



六家詩名物疏卷四十七

海虞馮復京嗣宗輯著

大雅文王之什二

思齊篇

在官

辟靡別載

箋云。宮。謂辟靡宮也。羣臣助文王養老。○周禮外
饗。邦饗耆老。掌割烹之事。酒正饗耆老。共其酒。無
酌數。凡有秩酒者。以書契授之。大司徒以保息六
養萬民。二曰養老。遺人門閭之委積。以養老孤。司

言名物疏 卷四
門以其財養成政之老。橐人饗耆老共其食。羅氏
中春羅春鳥獻鳩以養國老。○王制云凡養老有
虞氏以燕禮夏后氏以饗禮殷人以食禮周人修
而兼用之五十養於鄉六十養於國七十養於學
達於諸侯有虞氏養國老於上庠養庶老於下庠
殷人養國老於右學養庶老於左學周人養國老
於東膠養庶老於虞庠虞庠在國之西郊有虞氏
深衣而養老夏后氏燕衣而養老殷人編衣而養
老周人玄衣而養老凡三王養老皆引年月令仲

秋養衰老授几杖行糜粥飲食文王世子云凡大
合樂必遂養老注云大合樂謂春入學釋菜合舞
秋頒學合聲又云天子視學適東序釋奠於先老
遂設三老五更之席位適饌省醴養老之珍具遂
發詠焉退修之以孝養也反登歌清廟下管象舞
大武有司告樂闋王乃命公侯伯子男及羣吏曰
反養老幼于東序內則云凡養老五帝憲養氣體
而不乞言有善則記之為惇史三王亦憲既養老
而後乞言亦微其禮皆有惇史樂記云食三老五

更於太學。天子袒而割牲，執醬而饋，執爵而醕，冕而總干，所以教諸侯之弟也。○禮書云：天子之於老，所養也。三國老也，庶老也，死政者之老也。歲養之也。三仲春也，季春也，仲秋也。羅氏獻鳩以養之者，國老也。司徒以保息養之者，庶老也。司門以其財養之者，死政者之老也。若夫外饗酒正，槁人所謂耆老者，總三者而言之也。

皇矣篇

二國

傳云：殷夏也。○帝王世紀曰：禹受封為夏伯，在豫州外方之南，今河南陽翟是也。即天子位都平陽，或在安邑，或在晉陽。○一統志：河南開封府鈞州本夏禹所封地，秦為陽翟縣，安邑縣在山西平陽府。

菑

釋木云：立於菑，菑李巡曰：以當於害生曰菑。○孔氏云：立於之木妨他木生長，故曰菑也。

翳

釋木云。斃者。翳。郭云。翳。樹陰翳覆地者也。○孔氏云。生木自倒。枝葉覆地為陰翳。故曰翳也。

樹

爾雅云。柳。柳。郭云。樹似榭楸而庫小。子如細粟。可食。今江東亦呼為柳栗。○陸機云。樹如榆。木理堅韌而亦可為車轅。○內則云。芝。柳。蔭。鄭氏云。人君燕食所加。庶羞也。

柳

爾雅云。柳。河柳。郭云。今河旁赤莖小楊。○陸機云。

生水旁。皮正赤如絳。一名雨師。枝葉如松。○本草云。赤柳。木皮赤色。葉細。其中木脂。一名柳乳。衍義云。人謂之三春柳。以其一年三秀也。花肉紅色。成細穗。河西者。戎人取滑枝為鞭。○南都賦注。柳似柏而香。○雅翼云。天將雨。柳先起氣以應之。故一名雨師。亦能負霜雪。大寒不彫。有異餘柳。○通志云。大概松杉之類。而意態似柳。故謂之柳。其材可卷為盤合。又有一種名赤楊。又名水楊。與此相似。而植之水邊。其葉經秋盡紅。人多植于門巷。

栢之火。○淮南子云。八月其樹栢。○四民月令云。栢染色黃赤。人君所尊。○蠶書云。栢葉飼蠶。其絲作琴瑟絃。清鳴響亮。○埤雅云。栢宜山石。古今注。栢實曰佳。佳言佳鳥性所食。○本艸衍義云。栢木理有紋。亦可旋爲器。

按鄭箋云。岐周之地。險隘多樹木。乃競刊除。而自居處。其刊除之次。陸農師論之詳矣。作屏修平。啓辟攘剔八字。皆刊除之義也。蓋歸周者。日衆。地無所容。故伐木以立田宅。無暇論其材之

美不美。以去留之也。自程子有修治叢列及剔去繁冗之說。而朱子因之。故後人遂謂去惡木以存美材。不知樗可入藥爲器。楛中爲杖。亦何嘗不可用。而併啓辟之乎。

密

傳云。密須氏。○地里志。安定郡陰密縣。詩。密人國。○國名記。子爵。世本云。商有密須。文王伐之。魯有密須之鼓。杜預謂姑姓國。在安定陰密。今涇之靈臺也。史索云。是河南密。九域志以爲鄆之致密城。

皆非○一統志陝西平涼府涇州靈臺縣在州城南九十里古密須之國○書傳云文王受命三年伐密須○皇甫謐云文王問太公吾欲用兵孰可太公曰密須氏疑於我我可先伐之管叔曰不可其君天下之明君伐之不義太公曰臣聞先王之伐也伐逆不伐順伐險不伐易文王曰善遂侵阮徂共而伐密須密須之人自縛其君而歸文王○左傳云密須之鼓與其大路文所以大蒐也○

阮徂共

箋云阮也徂也共也三國犯周文王伐之○孔氏云毛以徂為往阮共為周地密須所侵也○魯詩說云阮徂共皆國名○張氏云阮國名共阮國之地名皆在今涇州今有共池即共也○氏族畧云阮諸侯國在岐渭之間

旅

傳云旅地名疏云毛意以旅為周地○孟子疏云大雅曰以遏徂旅孟子曰徂莒者案春秋書莒子盟于密則莒密之近地詩言密之衆孟子言密之

地其音同也。○左傳注云：莒，今城陽莒縣。城陽淳于縣東北有密鄉。

按古莒國，今山東青州府莒州。漢之城陽國也。去密須殊遠。孟子疏非也。

鮮原

傳云：小山別大山曰鮮。○爾雅孫炎注云：別不相連也。○疏云：周書稱文王在程，作程寤程典皇甫謐云：文王徙宅於程，蓋謂此也。○前漢地理志：安陵，顏注曰：闕駟以為本周程邑。○通鑑外紀云：西

伯自岐徙鮮原，在岐之陽，不出百里。○朱傳云：其地於漢為扶風安陵，今在京兆府咸陽縣。○國名記云：在今咸陽，亦在岐南，與畢陌接，所謂畢程。孟子言文王卒于畢郢。

夏

箋云：諸夏。○說文云：夏，中國之人也。徐錯曰：象有威儀，文飾備具，行紆遲也。○師古漢書注曰：夏大也，言大於四夷。

鉤援

孔氏曰。鉤。援一物。所以鉤引上城者。墨子稱公輸班作雲梯以攻宋。蓋此之謂。

臨

朱傳云。臨。臨車在上。臨下者也。○禮書云。楚子使解楊登樓車以告宋人。蓋臨車之類。

衝

朱傳云。衝。衝車。從旁衝突者也。○禮書云。墨子有備衝之篇。荀子曰。渠衝入穴而求利。楊子曰。衝不齊。皆言衝車之大也。孫武曰。攻城之法。修其櫓輓。

輓音焚

輓音溫

輓。輓。四輪車。蓋衝車之類也。

崇

朱傳云。崇。今京兆府鄠縣。○一統志。陝西西安府鄠縣。夏時。扈國。殷為崇國。○史記云。崇侯虎。譜西伯於紂。紂囚西伯於羑里。後赦西伯。受命明年。伐犬戎。明年。伐密須。明年。敗耆國。明年。伐邾。明年。伐崇。侯虎而作豐邑。○說苑文王曰。余聞崇侯虎。蔑侮父兄。不敬長老。分財不均。百姓力盡。余將來征之。乃伐崇。令母殺人。壞室。填井。伐樹木。動六畜。崇

寺名勿流

長日二

見

言不牛耳 卷四
人聞之。因請降。

類

禱音類

爾雅云。是禱。是禡。師祭也。疏云。王制云。天子將出征。類乎上帝。則類祭祭天也。尚書歐陽說。以事類祭之。在南郊。春官肆師注云。類禮依郊祀。是用尚書說為義也。○書曰。類于上帝。○周禮小宗伯兆五帝于四郊。四望四類亦如之。凡天地之大。歲類社稷宗廟。則為位。肆師類造上帝。則為位。大祝六祈。一曰類。大師類上帝。詛祝掌類造之祝號。○禮

記。天子將出類乎上帝。天子將出征。類乎上帝。注云。帝謂五德之帝。○禮書云。類皆有所祈。其禮劣于正祭與旅。

禡

爾雅云。禡。師祭也。○禮記云。天子出征。禡于所征之地。○周禮小宗伯甸。役之禱祠。肆儀為位。肆師四時大田獵。祭表貉。則為位。注云。於所立表之處。為師祭。造軍法者。禱氣勢之增倍也。其神蓋蚩尤。或曰黃帝。又云。甸祝掌表貉之祝號。大司馬教振

言不物... 卷四... 人聞之。因請降。

類

類音類

爾雅云。是禱。是禡。師祭也。疏云。王制云。天子將出征。類乎上帝。則類祭。祭天也。尚書歐陽說。以事類祭之。在南郊。春官肆師注云。類禮依郊祀。是用尚書說為義也。○書曰。類于上帝。○周禮。小宗伯兆五帝于四郊。四望。四類。亦如之。凡天地之大。裁類社稷宗廟。則為位。肆師。類造上帝。則為位。大祝。六祈。一曰類。大師。類上帝。詛祝。掌類造之祝號。○禮

記。天子將出。類乎上帝。天子將出征。類乎上帝。注云。帝謂五德之帝。○禮書云。類皆有所祈。其禮劣于正祭與旅。

禡。師祭也。○禮記云。天子出征。禡于所征

之地。○周禮。小宗伯。甸。役之禱祠。肆儀為位。肆師。四時大田獵。祭表貉。則為位。注云。於所立表之處。為師祭。造軍法者。禱氣勢之增倍也。其神蓋蚩尤。或曰黃帝。又云。甸。祝。掌表貉之祝號。大司馬。教振

詩名物疏

卷四

九

見

言名物正 卷四
旅有司表貉。教大閱。設驅逆之車。有司表貉于陳前。○公羊說云。師出曰祠兵。祠者。祠五兵。矛戟劍楯弓鼓。及祠蚩尤之造兵者。○應劭云。至所征之地。表而祭之。謂之禡。禡者。馬也。馬者。兵之首。故祭其先神也。○考索云。漢書稱高祖祠黃帝蚩尤於沛庭。管仲稱蚩尤作劔戟。史記稱黃帝與蚩尤戰于阪泉。豈軍法之興始此。故後世因祭之與。

靈臺篇
靈臺

○靈臺者。所以觀天人之際。察陰陽之會也。揆星度之驗。徵六氣之端。應神明之變化。觀因氣之所驗。為萬物獲福於無方之原。招太極之清泉。以與稼穡之根。天子得靈臺之則。五車三柱。明制可行。水泉川流。無滯寒暴暑之災。禾盡

箋云。天子有靈臺者。所以觀禋象。察氣之妖祥也。疏云。靈臺在國之西郊。與辟廱同處。○易乾鑿度云。文王二十九年。伐崇。作靈臺。○易是類謀云。作靈臺。受赤爵丹書。○含神霧云。作邑于豐。起靈臺。○禮含文嘉云。天子靈臺。所以觀天人之際。察陰陽之會也。揆星度之驗。徵六氣之端。應神明之變化。觀因氣之所驗。為萬物獲福於無方之原。招太極之清泉。以與稼穡之根。天子得靈臺之則。五車三柱。明制可行。水泉川流。無滯寒暴暑之災。禾盡

豐穰。○禮統云。所以制靈臺何。以尊天重民。備災御患也。夏爲清臺何。明明相承。太平相續。故爲清臺。殷爲神臺。周爲靈臺何。質者具天而王。天者稱神。文者具地而王。地者稱靈也。○援神契云。靈臺考符。居高顯聖。王所以宣德察微。○五經通義云。靈臺靈臺。在于野中。國之南。附近辟雍。積土增崇。其高九仞。極陽之數。上平無屋。望氣顯著。○春秋左傳云。公既視朔。而登觀臺。以望而書雲物。爲備故也。○說苑云。積恩爲愛。積愛爲仁。積仁爲靈。是故文

王始接民以仁。而天下莫不仁焉。○三輔黃圖云。文王靈囿。在長安縣西四十二里。靈沼。在長安西三十里。靈臺。在長安西北四十里。高二十丈。周四百二十步。○三輔故事。靈臺在豐水東。○一統志。靈臺在西安府鄠縣東。靈囿在鄠縣東三十里。囿中有沼曰靈沼。

按明堂辟廱靈臺大廟四者。先儒多合爲一。歷代紛爭。皆不能決。惟袁準之論爲得。文多不載。文王靈臺。當在鄠縣。平涼府靈臺縣。又有靈臺。

相傳文王伐密後所作。考諸緯書皆云文王伐崇作靈臺。不云伐密而作之也。三輔黃圖說臺囿沼異處。或以鄭駁異義云。同言靈者。於臺下為囿沼。疑黃圖所言為謬。不知文王之囿方七十里。據黃圖所說臺囿沼。與長安相去里數。不過十里。即于囿中設為臺沼。亦何患于不容乎。黃圖得其實矣。

傳云。囿所以域養禽獸也。天子百里。諸侯四十里。

囿

文王囿。囿者。養禽獸之處也。囿猶有也。○說

○風俗通云。囿者。畜魚鱉之處也。囿猶有也。○說文云。囿。苑有垣也。一曰禽獸曰囿。○白虎通云。苑。囿所以在東方。何。苑。囿養萬物者也。東方所以生也。○周禮。囿人。掌囿游之獸。禁牧百獸。祭祀喪紀。賓客。共其生獸。死獸之物。○呂覽云。昔聖王之為苑。園。池也。足以觀望勞形而已。○周語云。藪有圃。圃有林。池。所以禦災也。○淮南子云。湯始作圃。以奉宗廟。饗鮮之具。○穀梁傳疏云。徐邈何休。皆曰。天子圃方十里。伯方七里。子男方五里。未審

據何爲說。○隋天文志云。天苑十六星。在昴畢南。天子之苑囿。○管子云。武王有靈臺之囿。而賢者進。

虞業

釋器云。木謂之虞。大版謂之業。○有瞽疏云。虞者立於兩端。栒則橫入於虞。栒上加大版。側著於栒。其上刻爲崇牙。似鋸齒捷業然。或曰。旣刻又畫之。掛繩於上以爲懸。又置羽於筍虞之上角。○釋名云。懸鐘鼓者。橫曰筍。筍峻也。在上高峻也。縱曰虞。

虞。舉也。在旁舉筍也。○禮記曰。夏后氏之龍筍。虞殷之崇牙。周之璧翬。注云。殷於龍上刻畫之爲重牙。以挂縣絃也。周又畫繒爲翬。戴以璧。垂五采羽於其下。楹於筍之角上。○周禮典庸器。祭祀。帥其屬而設筍虞。大司樂。凡國之大憂。令弛縣。小胥。正樂縣之位。王宮縣。諸侯軒縣。卿大夫判縣。士特縣。眡瞭。掌太師之縣。○考工記。梓人爲筍虞。羸屬有力而不能走。則於任重宜。大聲而宏。則於鍾宜。若是者以爲鍾虞。羽屬無力而輕。則於任輕宜。其聲

清陽而遠聞於磬宜。若是者以爲磬虞。小首而長。搏身而鴻者。謂之鱗屬。以爲筍。

爾雅云。大鼓謂之鼗。○周禮。鞀人。鼓長八尺。鼓四尺。中。圍如三之一。謂之鼗鼓。鼓人。鼗鼓鼓軍事。司

馬。中春振旅。諸侯執鼗鼓。罍師。凡軍之夜。三鼗皆

鼓之。注云。鼓之以鼗鼓。○書云。鼗鼓在西序。○疏

賁。大也。故謂大鼓爲賁。○書云。鼗鼓在西序。○疏

賁。大也。故謂大鼓爲賁。○書云。鼗鼓在西序。○疏

賁。大也。故謂大鼓爲賁。○書云。鼗鼓在西序。○疏

賁。大也。故謂大鼓爲賁。○書云。鼗鼓在西序。○疏

爾雅云。大鍾謂之鏞。孫炎曰。鏞。深長之聲。李巡曰。

大鍾音聲大。鏞。大也。郭璞曰。亦名罍。○書云。笙鏞

以間。鄭注云。鏞。卽大射頌一也。○周禮。鍾師。掌金

奏。罍師。掌金奏之鼓。考工記云。大鍾十分其鼓間。

以其一爲之厚。○射禮云。西階之西。頌磬。其南鍾。

注云。西方鍾磬。謂之頌。古文頌爲庸。○書傳云。天

子將出。撞黃鍾之鍾。右五鍾皆應。入則撞蕤賓之

鍾。左五鍾皆應。○呂氏曰。黃帝命伶倫鑄十二鍾。

○陳氏曰。十二辰之鍾。大鍾也。大鍾特縣。詩書爾

詩。名物疏。卷五。二十四。二百九十五。子

雅所謂鏞也。非十二辰之鍾則編焉。周禮所謂編鍾也。正論音義。○呂氏曰。黃帝命伶倫鑄十二鐘。

按郭以鏞為鏞。依鄭注書及儀禮。則鏞即頌鍾。非鏞也。大射注。鏞如鍾而大。陳氏祥道以鏞為小鍾。鏞為特鍾。博古圖說又云。鏞減於特鍾而大於編鍾。三說亦不同。○呂氏曰。大鏞十。小其特間。

辟廡

箋云。水旋丘如壁曰辟廡。以節觀者。疏云。辟廡即天子太學也。王制言太學在郊。乃是殷制。周制大

學音效

學在國。大學雖在國。而辟廡仍在郊。陳祥道云。上庠東序。右學東膠。太學也。周又有辟廡。成均。瞽宗之名。周之辟廡即成均也。東郊即東序也。瞽宗即右學也。○王制云。天子曰辟廡。注云。辟。明也。廡。和也。所以明和天下。又云。天子將出征。受成於學。反釋奠於學。以訊馘告。又云。有虞氏。養國老於上庠。夏后氏。養國老於東序。商人。養國老於右學。周人。養國老於東膠。文王世子曰。春夏學于戈。秋冬學羽籥。皆於東序。春誦夏弦。大師詔之。瞽宗。秋學禮。

月令云。季夏之月。命漁師伐蛟取鼉。鼉皮可
以冒鼓。○周書王會云。會稽以鼉。○陸機云。鼉形
似水蜥蜴。四足。長丈餘。生於大湖。甲如鎧甲。
皮堅可冒鼓。○本州圖經云。肉至美。口內涎有毒。
長一丈者。能吐氣成霧。致雨。力至猛。能攻陷江岸。
性嗜睡。但目閉。形如龍大。長者自嚙其尾。極難死。
聲甚可畏。人于穴掘之。百人掘。須百人牽。一人掘。
須一人牽。不然。終不可出。○晉安海物記云。鼉宵
鳴如桴鼓。○續博物志云。一名土龍。鱗甲黑色。能

鱗鼉同

橫飛不能上騰。其聲如鼓。○趙辟公雜說云。鼉聞
鼓聲則鳴。○埤雅云。鼉具十二少肉。蛇肉最後在
尾。其枕瑩淨。魚枕弗如。欲雨則鳴。夜鳴應更。初更
一鳴而止。二即再鳴。方酋健善頽坎岸。○呂氏春
秋云。顯頊令飛龍作效八風之音。命之曰承雲。乃
令鱗先為樂倡。鱗乃偃浸。以其尾鼓其腹。其音英
爾。精世矇矇。茲琴瑟掌。大辨六音。之雅。以對大爾。
傳云。有眸子而無見曰矇。無眸子曰矇。疏云。瞽亦
有眸子。矇之小別。○韓詩說云。無珠子曰矇。珠子

具而無見曰瞽。○周禮瞽矇。上瞽四十人。中瞽百
 人。下瞽百有六十人。掌播鼗祝。故填簫管弦歌。諷
 誦詩。世奠繫鼓琴瑟。掌九德六詩之歌。以役大師。
 ○禮運云。卜筮瞽侑。皆在左右。玉藻云。御瞽幾聲
 之上下。○周語。瞽賦矇誦。注。賦賦公卿列士所獻
 詩也。誦謂箴諫之語。晉語云。矇矇修聲。○呂氏春
 官。文王有聲篇。○豐。○豐在京兆府鄠縣東。豐水之西。文王自
 皇甫謐云。豐在京兆府鄠縣東。豐水之西。文王自

程徙此。○孔氏云。從鮮原徙。豐在岐山東南三
 百餘里。○朱傳云。即崇國之地。○一統志。豐宮在
 西安府鄠縣東五里。周文王作邑於豐時所居。
 文王人減文。豈豈夫。豈夫。

傳云。成溝也。○韓詩作洫。云洫深池。○周禮云。匠
 人為溝洫。方十里為成。成間廣八尺。深八尺。謂之
 洫。○韋不味。豈豈夫。豈夫。豈夫。

按說文。洫。成間洫也。減。疾流也。毛傳以為成溝。
 則改減作洫。毛鄭之意。本謂文王築城。維如一

成之洫。洫內地方十里。文王作十里之豐。與之相匹。成城字異。朱子讀注疏不精。改成溝作城。溝不知城郭溝池。所以爲固。若僅僅廣深八尺。豈所謂設險守國乎。經稱崇墉言言。城既高大。池必極深廣。豈止八尺而已。旣曰城溝。又虛引匠人之文。進退失據矣。

豐水

禹貢云。漆沮旣從。澧水攸同。又云。導渭自鳥鼠同穴。東會於澧。入於河。○郡縣志云。豐水出京兆府

鄠縣東南。終南山自發源北流。經縣東二十八里。北流入渭。○黃圖云。出鄠南山豐谷。○水經注云。渭水東與豐水會。同陰山。無他高山異巒。惟原阜石墩。○文子曰。老子云。豐水之深十仞。而不受塵垢。金鏡在中。形見於外。○一統志。出終南山。合太平高觀谷水。東至咸陽縣入渭。

皇

白虎通云。皇。君也。美也。大也。天之摠美。大稱。號之爲皇者。煌煌人莫違也。不擾匹夫匹婦。虛無廢廓。

言名物疏 卷四
天地通靈也

六家詩名物疏卷四十八

海虞馮復京嗣宗輯著

王大雅生民之什

生民篇

禮祀

箋云。禮祀上帝於郊禘。○月令。仲春。玄鳥至。至之

日。以太牢祠於高禘。天子親往。后妃帥九嬪御。乃

禮。天子所御。帶以弓韉。授以弓矢于高禘之前。蔡

邕云。高猶尊也。禘者所以祈子孫之祀。鄭玄云。高

辛氏之世。玄鳥遺卵。娥簡吞之而生契。後王以為
 媒官嘉祥。而立其祠。變媒言禰。神之也。孔穎達云。
 契已前祭天南郊。以先媒配。蓋伏羲也。至高辛簡
 狄之異。後王以是為媒官之嘉祥。即以高辛之君。
 立為禰神以配天。○五經要義云。玄鳥感陽而至。
 集人棟宇。有孳乳之祥。故重其至日。因以用事。○
 王居明堂禮云。帶以弓鞬。禮之禰下。其子必得天
 材。

六卷上 帝 神 通 卷 四 十 八

易緯云。帝者天號也。德配天地。不私公位。稱之曰
 帝。○書大傳云。天立五帝以為相。四時施生。法度
 明察。春夏慶賞。秋冬刑罰。帝者任德設刑。以則象
 之言。其能行天道。舉錯審諦也。○白虎通云。帝者
 諦也。象可承也。

敏

釋詁云。敏。拇也。孫炎曰。拇。迹大指處。

后稷

尚書曰。棄。黎民阻飢。汝后稷。播時百穀。疏云。稷是

五穀之長立官主此稷事。后訓君也。單名為稷尊。而君之稱為后稷。○周語云。稷為大官。王籍。后稷監之。徧戒百姓。紀農協功。曰。陰陽分布。震雷出滯。土不備墾。辟在司寇。乃命其旅曰。狗農師。一之。農正再之。后稷三之。

達

說文云。牽。小羊也。○薛琮云。羊子初生達。小名羔。

穎

說文云。穎。禾末也。○孔氏云。穎是禾穗之挺。○小

爾雅云。禾穗謂之穎。截穎謂之銓。

部

毛氏曰。姜嫄之國。○左傳云。魏駘芮岐畢。吾西土也。注云。后稷受此五國。駘在武功縣治。聚城。○一統志。陝西西安府乾州武功縣古部國。后稷所封。聚城在武功縣西南二十里。古有聚亭。久廢。

秬

釋州云。秬。黑黍。李巡曰。黑黍一名秬黍。○雅翼云。古者薦籩。有白黑形。鹽白為燉秬。黑即秬也。至藏

部 聚聚音

水則用秬黍以享司寒。蓋倣其方之色。亦以爲酒。謂之秬鬯。○瑞應圖云。后稷播植。天降秬秠。○孔叢子。魏王問子順曰。管上天神異。后稷爲之下嘉穀。周遂以之興。

秠

釋艸云。秠。一稗二米。李巡曰。黑黍之中一稗有二米者。別名爲秠。郭璞曰。漢和帝時。任城生黑黍。或三四實。實二米。得黍三斛八斗。是鄭鬯人注云。秠如黑黍。一秠二米。答張逸云。秠卽皮。其稗亦皮也。

○本艸圖經云。秬黍之中一稗二米者。得天地中和之氣。乃生。米粒皆勻。無大小。得此然後可定鍾律。今上黨或值豐歲。往往得之。但稀濶。不以充貢。○雅翼云。鄭氏釋鬯人。以秠之狀雜于秬。郭氏解釋艸。以秠之色雜于秠。郭又引漢任城生黑黍詩。歌后稷降播。乃民事之常。如必待任城所生而後降之。則沒世不可待矣。按今百穀一稗二米者。惟麥爲然。說文解秠亦云。一稗二米。而解來字云。周所受瑞麥來麩。一來二縫。然則秠正來麩爾。但生

民臣工所稱不同來麩又為釐麩古者來釐丕三字相通

麩 詳見鴉羽梁

釋艸云。釐赤苗。郭云。今之赤梁粟。

芭 詳見鴉羽梁

釋艸云。芭白苗。郭云。今之白梁粟。與釐皆好穀。

肇祀

鄭云。肇郊之神位。○商頌肇域箋云。肇當作兆。兆域正疆界。○周官小宗伯兆五帝于四郊。注云。兆

為壇之營域。黃帝亦於南郊。○說文作埽。云畔也。

惟

朱傳云。惟齋戒具修也。○周官注云。具所當共修。掃除糞酒。

羝

粉壇

爾雅云。羝牡粉。注。謂吳羊白羝。○易大壯。九三。羝

羊觸藩。羸其角。上六。羝羊觸藩。不能退。不能遂。无

攸利。艱則吉。○廣雅云。吳羊牡一歲曰牡羝。三歲

曰羝。○雅翼云。羝是牡羊摠名。而粉乃吳羊之羝。

者。蓋羝性好抵觸。齊民要術畜牧之法。大率十羊二羝。以爲羝少則不孕。多則敗羣。尤取其無角者。恐其抵觸以傷胎也。蓋羝爲白羝。羯爲黑羝。

駘

周官。犬馭掌馭玉路以祀。及犯駘。王自左馭。馭下祝。登受轡。犯駘。遂驅之。及祭。酌僕。僕左執轡。右祭兩軹。祭軹。乃飲。注云。行山曰駘。犯之者。封土爲山象。以菩芻棘柏爲神主。旣祭之。以車轡之而去。喻無險難。戎僕犯駘。如玉路之儀。又犬人凡祭祀其

菩音倍

犬牲。用牲物伏瘞亦如之。注云。伏。謂伏犬。以王車轡之。○聘禮記。出祖釋駘。祭酒脯。乃飲酒於其側。○月令。孟冬。其祀行。祭先賢。注云。行在廟門外之西。爲駘。壤厚二寸。廣五尺。輪四尺。○祭法。王立七祀。曰國行。諸侯立五祀。曰國行。大夫立三祀。曰行。適士立二祀。曰行。○崔靈恩云。宮內之駘。祭古之行神。城外之駘。祭山川與道路之神。○孔氏曰。駘。本山行之名。以祭道路之神。爲之。在國門外。卿大夫用酒脯。天子以犬。諸侯以羊。禮畢。乘車轡之。月

令冬祀行。注依中霤之禮。有主有尸。用特牲。是天
子諸侯常祀。與較異也。較又名祖。聘禮及詩云出
祖是也。又名道。曾子問云道而出是也。○風俗通
云。按禮傳。共工之子曰修。好遠遊。舟車所至。足蹟
所達。靡不窮覽。故祀以爲祖神。祖者徂也。○顏師
古云。祖者送行之祭。管黃帝之子。纍祖好遠遊而
死于道。故後人祭之。以爲行神。

登

釋器云。瓦豆謂之登。疏云。對文則木曰豆。瓦曰登。

散則皆名豆。冬官旒人掌爲瓦器。而云豆中縣。是
瓦亦名豆也。○公食大夫禮云。大羹清不和。實于
鐙。公設之于醬。西注。大羹。清煮肉汁也。大古之羹
不和。無鹽菜。○禮書云。登儀禮作鐙。其實大羹。食
禮用之。飲禮不用。故公食大夫設于醬。西鄉飲。鄉
射燕禮不設也。上虞特牲有司徹。皆設之。少牢不
言設者。以特牲有司徹見之也。

行葦篇

凡

釋名云。几。度也。所以度物也。○周禮。太宰。大朝覲。會同。贊玉几。司几筵。掌五几。凡大朝覲。太饗射。封國。命諸侯。王設左右玉几。祀先王。昨席亦如之。諸侯祭祀。右彫几。昨席筵。國賓左彤几。甸役。右漆几。凡喪事。右素几。吉事。變几。凶事。仍几。○顧命云。牖間南向。華玉仍几。西序東向。文貝仍几。東序西向。彫玉仍几。西夾南向。漆仍几。○禮記曰。謀於長者。必操几杖而從之。又云。獻几杖者。拂之。又云。大夫七十而致仕。若不得謝。則必賜之以几杖。又云。仲

秋。養衰老。授几杖。又云。父母舅姑坐。御者舉几。歛席。又云。父母毋枕几。不傳。○左傳云。几設而不倚。爵盈而不飲。禮之至也。○國語云。倚几有訓誦之戒。○鄭玄聘禮注云。孤彤几。卿大夫漆几。○馬融云。几長三尺。○阮諶云。几長五尺。高廣二尺。○禮圖云。几兩端赤。中央黑。○禮書云。席常設于賓未至之前。几常授于行禮之際。其將授也。必拂於新以之。其授之也。必拜送。其受也。必拜答。執于尊者內拂之。或中攝見聘禮。授之。或受其足昏禮所謂授杖。

詩名物疏 卷四十八

或受于手間。有司徹尸授几或以几辟。昏聘禮以几
足也或受于手間。有司徹尸授几或以几辟。昏聘禮以几
 或不以几辟。有司徹不云辟者尸尊也儀禮昏聘公食大夫皆
 有几。冠禮醴賓鄉飲鄉射及燕賓無几。皆輕重之
 別也。喪或同時在殯則每敦異几。及祭則同几。生
 事鬼事之別也。士喪禮綴足用燕几。曲禮尸乘必
 以几。婚禮婦乘以几。不特所憑以安而已。

罍

說文云罍玉罍也。一曰罍受六升。○明堂位云罍。
 夏后氏以琖殷以罍。周以爵。注云罍畫禾稼禮運

云琖罍及尸君非禮也。是謂僭君。郊特牲云舉罍
 角詔妥尸。○周禮量人凡宰祭與鬱人受罍。歷而
 皆飲之。先鄭云殷以罍。○禮書云罍有耳。琖罍先
 王之器也。惟魯與二王後得用焉。諸侯用之則僭
 矣。故記曰琖罍及尸君非禮也。○博古圖云琖从
 戈。故三足象戈。罍戒喧。故二口作喧。爵之字通於
 雀。

洗爵奠罍

詩緝云。今考燕禮。諸侯燕其臣。以膳宰為主人。主

人獻賓。賓卒爵。賓洗爵。酢主人。主人卒爵。主人獻公。公卒爵。公酌酢主人。主人卒爵。於是主人酌以酬賓。賓遂奠而不舉。

醢醢 互見伐柯篇 蔓豆

潘昌枕反

爾雅云。肉謂之醢。有骨者謂之醢。○釋名云。醢。海也。冥也。封塗使密。冥乃成也。醢多汁者曰醢。醢。潘也。宋魯人皆謂汁為潘。○公食大夫禮云。韭菹以東。醢醢。聘禮。饗堂上八豆。其南醢醢。屈。西夾六豆。其東醢醢。屈。醢醢。百簋。少牢禮。韭菹醢醢。坐奠于

齊高為醢

筵前。○周禮。醢人。掌四豆之實。朝事之豆。其實韭菹醢醢。深蒲醢醢。餘見豆王舉則共醢六十簋。以五齊七醢。七菹。三醢。實之。賓客之禮。共醢五十簋。凡事共醢。鄭注云。醢。肉汁也。作醢及醢者。先膊乾其肉。乃後莖之。雜以梁麴及鹽漬以美酒。塗置瓶中。百日則成矣。掌客。上公饗餼。醢醢百二十簋。侯伯百甕。子男八十甕。○禮記云。恒豆之菹。水艸之和氣也。其醢。陸產之物也。加豆。陸產也。其醢。水物也。注云。此謂諸侯也。與天子之豆有錯雜。○禮記外

傳云醢有陸產有水物。天地陰陽之氣所生。○四
民月令云五月一日可作醢。

脾

說文云土藏也。徐曰脾裨也。在胃下。裨助胃氣。主
化物。○月令春祭先脾。○尚書歐陽說脾土也。古
尚書說脾木也。

臄

傳云臄函也。○通俗文云口上曰臄口下曰函。

罍

釋樂云徒擊鼓曰罍。孫炎曰聲驚罍也。○樂書云
罍無章曲非樂之正特歌之助而已。

敦弓

荀子云天子雕弓。諸侯彤弓。大夫黑弓。禮也。○何
休公羊注云天子彤弓。諸侯彤弓。大夫嬰弓。士盧
弓。○孔氏云冬官弓人云天子之弓合九而成規。
又云往體寡來體多。謂之王弧。此敦弓即彼王弧
也。

鏃

錕音批
髀皮教反

爾雅云金鏃翦羽謂之鏃骨鏃不翦羽謂之志部
 璞曰金鏃金錐箭也骨鏃金骨髀也○方言云矢
 江淮之間謂之鏃○周禮司弓矢鏃矢用諸近射
 田獵注云鏃之言候也可以司候射敵之近者及
 禽獸前尤重中深而不可遠也又矢人為矢鏃矢
 參分一在前二在後注云參訂之而平者前有鏃
 重○禮書云翦羽尚疾不翦羽尚舒尚疾則以金
 鏃而必其入尚舒則以骨鏃而防其傷

序賓

朱傳云賢射多中也不侮敬也○鄉射大射禮云
 釋獲者先數右獲二算為純一純以取實于左手
 十純則縮而委之每委異之有餘純則橫于下一
 算為奇奇則又縮諸純下適左坐兼歛算實于左
 手一純以委十則異之其餘如右獲遂進取賢獲
 執以告右勝則曰右賢于左左勝則曰左賢于右
 以純數告有奇者亦曰奇若左右鈞則左右各執
 一算以告曰左右鈞還復位○投壺曰卒投司射
 執算二算為純一純以取一算為奇遂以奇算告

純音全

撫音呼
借音佩

曰某賢於某若干純奇則曰奇鈞則曰左右鈞魯
令弟子辭曰毋撫毋教毋備立毋踰言備立踰言
有常爵薛令弟子辭曰毋撫毋教毋備立毋踰言
若是者浮。禮記曰古者天子之尊曰大斗。增韻云主者賓之對也。

大斗

說文曰斗勺也。○疏云大斗漢禮器制度注勺五
升徑六寸長三尺是也。此蓋從大器挹之以樽用

此勺耳。其在樽中不當用如此之長勺也。○儀禮
加勺于尊皆南枋。○禮器云犧尊禰杓。明堂位云
灌尊。夏后氏龍勺。殷疏勺。周蒲勺。○周官梓人云
勺一升。爵一升。觶三升。獻以爵而酬以觶。一獻而
三醕則一豆矣。飲一豆酒。中人之食也。注云觶當
為解。豆當為斗。○禮書云勺非斗也。勺挹於尊彝
而注諸爵瓚。斗挹於大器。而注諸尊彝。注云毒瓚

○吳越台云王叔師禮器注云勺非斗也。勺挹於尊彝
箋云台之言鮓也。大老則背有鮓文。○釋詁云鮓

鮠音侯

背壽也。舍人注云。老人氣衰。皮膚消瘠。背若鮠魚。
○吳都賦云。王鮪鮠鮠。劉逵注云。鮠鮠狀如科斗。
大者長尺餘。腹下白。背土青黑。有黃文。性有毒。雖
小。獺及大魚不敢飲之。蒸煮肥美。○本艸云。鮠鮠
魚。肝毒殺人。緣腹無膽。頭無顙。故知害人。鮠魚肝
及子有大毒。一名鰻夷魚。以物觸之。即噴。腹如氣
毬。亦名噴魚。腹白。背有赤道。○日華子云。又名吹
肚魚。

鮠音諧

按爾雅翼云。鮠即今之河豚也。段成式又作鮠。

鮠音危
鮠音賴

又一名鮠鮠。所謂黃者。台背。或謂為鮠鮠魚。又
謂之鰻夷魚。則與今之鰻魚相亂。蓋鰻魚之鮠。
亦有題夷。二音故也。若然。則本艸之鮠鮠魚。鮠
魚。河鮠。皆一物矣。而分載三處。又云。鮠魚。肝子
有大毒。河鮠無毒。何也。蓋緣北人不食河鮠。故
不能的指為何物耳。廣志又云。鮠魚。一名河鮠。
陳藏器羅願亦云然。本艸圖經。獨以為秦之鮠
魚。又未知與河鮠為同為異。吳中食河鮠。以為
常味。惟忌肝入水沈者。未聞毒皆殺人。如本艸

所言也。河狔皮有刺觸人手。老人皮膚粗硬。有似此皮。故謂之台背。非如台之支也。但河狔非西北所產。未知詩人何以得入詠。或者台別一魚。
釋名云。背。倍也。在後稱也。○明堂鉞炙云。人五藏之系。咸附於背。

既醉篇

孝子

朱傳云。儀禮祭祀之終。有嗣舉奠。○特牲饋食云。嗣舉奠。盥入。北面再拜稽首。尸執奠進受。復位。祭酒。啐酒。尸舉肝。舉奠左執觶。再拜稽首。進受。所復位。坐食肝。卒。觶拜。尸備答拜。舉奠洗酌入。尸拜受。舉奠答拜。尸祭酒。啐酒。奠之。舉奠出復位。注云。嗣主人將為後者。舉飲酒也。將傳重累之。大夫嗣子不舉奠。辟諸侯。記云。嗣舉奠。佐食設豆鹽。○文王世子云。登餼獻受爵。則以上嗣。

壺

詩云。勿克

五

所

衙巷同

爾雅云。宮中衙謂之壺。孫炎曰。卷。舍間道也。○朱傳云。言深遠而嚴肅。

六家詩名物疏卷四十九

海虞馮復京嗣宗輯著

大雅生民之什二

鳧鷖篇

鷖

倉頡解詁曰。鷖。鷗也。一名水鷗。○禽經云。鷗。依鳥也。信不知用。注云。鷗如倉庚而小。隨潮而翔。迎浪蔽日。食小魚。潮至則翔水嚮。以為信。反為鷖。鳥所擊。是知信而不知所以自害也。○晉中興說云。鷗。

湖澤鳥。○南越志云。鷗在漲海中。隨潮上下。常以三月風至。乃還洲嶼。生卵似鷄卵。色青。頗知風雲。若羣飛至岸。必風。○風土記云。鷗以名自呼。大如雞。生卵于荷葉之上。○埤雅云。鷗。鳧屬。鳧好沒。鷗好浮。○雅翼云。鷗色青黑。亦有白者。

公尸

箋云。首章尸在宗廟。次章祭四方百物之尸。蠲祭事見

甫田篇三章祭天地之尸。四章祭社稷山川之尸。

農夫慶五章七祀之尸。疏云。宗廟祭後

社稷見甫田篇山川見簡兮篇

燕尸。大夫謂之賓尸。即用祭日。天子諸侯謂之繹。以祭之明日。燕祭天地之尸。即以祭日。其餘諸神亦以其日也。

彤音融

首章箋云。祭祀既畢。明日又設禮而與尸燕。○爾雅云。繹。又祭也。周曰繹。商曰彤。夏曰復胙。○公羊傳云。繹者何。祭之明日也。○穀梁云。繹者祭之日之享賓也。○禮器云。設祭于堂。為祊乎外。故曰於彼乎。於此乎。郊特牲。孔子曰。繹之於庫門內。祊之於東方。失之矣。注云。祊之禮。宜於廟門外之西。

室。繹又於其堂。神位於西也。祭義曰。君牽牲。夫人奠盎。君獻尸。夫人薦豆。注。謂繹日也。又曰。祭之日。明發不寐。饗而致之。又從而思之。祭統曰。詔祝于室。而出於祊。此交神明之道也。○禮書曰。繹于明日。則異牲。詩曰。自羊徂牛。是也。賔尸于祭日。則用正祭之牲而已。有司徹。歃尸。俎是也。蓋正祭重而主於禮神。繹輕而主於禮尸。重故省牲。視具在宗伯。輕故使士而爵弁。絲衣者也。主於禮神。故在室。主於禮尸。故在堂。則自堂徂基。掃堂設筵者。皆堂

上之事。

三章箋云。渚猶平地之有丘。喻祭天地之尸。疏云。此惟喻一至之祭。其文不及郊。○周禮。大宰。祀大神示。掌百官之誓戒。與其具修。掌次。王旅上帝。則張氈案。設皇邸。司裘。掌為大裘。以共王祀天之服。大宗伯。以禋祀。祀昊天上帝。以蒼璧禮天。以黃琮禮地。牲幣各放其器之色。注云。此禮天以冬至。謂天皇大帝在北極者也。禮地以夏至。謂神在崑崙者也。又云。凡祀大神。祭大示。帥執事而卜日。宿眠

滌濯省牲饌奉玉盞詔大號司服王祀昊天上帝則服大裘而冕大司樂凡樂園鍾為宮黃鍾為角大簇為徵姑洗為羽雷鼓雷鼗孤竹之管雲和之琴瑟雲門之舞冬至於地上之圜丘奏之若樂六變則天神皆降可得而禮矣函鍾為宮大簇為角姑洗為徵南呂為羽靈鼓靈鼗孫竹之管空桑之琴瑟咸池之舞夏至於澤中之方丘奏之若樂八變則地示皆出可得而禮矣凡以神仕者以冬至致天神人鬼以夏至致地示物形○曲

禮曰天子祭天地歲徧禮器云祭天特牲又云為高必因丘陵為下必因川澤是故因天事天因地事地

按二丘二郊鄭氏分而為四冬至園丘所祭之天謂之昊天上帝即北辰耀晷寶也又謂之天皇帝又謂之太一帝君夏至方丘所祭之地謂崑崙地祇也王者各稟五帝之精氣而王天下於夏正建寅之月祭于南郊謂之感生帝月令云孟春元日祈穀于上帝即此祭也北

郊所祭。乃神州地祇。或曰。合祀于夏正之月。或云。建申之月。祭之。冬至祭昊天。周人配以鬯。南郊祭感帝。周人配以稷。祭法所謂禘鬯而郊稷也。王肅之徒。則以郊丘為一。按記云。周之始郊。日以至。則郊。以冬至。有合王說。爾雅云。祭天曰燔柴。祭地曰瘞。與泰壇泰折之禮同。若祭以掃地。薦以血。牲以犢。車以大路。樽以犧。甗以疏。布。杓以禰。器以陶。匏。藉以蒲。越。藁。秸。楮。大圭。執鎮圭。及卜郊。聽報。尚書稱用牲于郊社。皆詳于

環首

郊而畧于丘。則郊丘為一。王論確矣。為鄭學者。則云。周禮祀昊天上帝。大裘而冕。郊特牲云。郊祭之日。戴冕璪十有二旒。是服不同也。周禮玉路以祀天。郊特牲云。乘素車。是車不同也。祭法云。燔柴於泰壇。用騂犢。周禮蒼璧禮天。牲從玉。色是牲不同也。爾雅云。非人為之丘。泰壇泰折。人力所為。又與方圓之丘別。故知郊丘有異。按家語云。臨燔柴。脫衮冕。著大裘。象天。則初服衮冕。後著大裘。知所說服同矣。素車殷禮也。玉路

周禮也。乃二代車制有異。非郊丘爲二。是車之不同。不足論矣。郊特牲云。牲用騂。牧人云。陽祀用騂牲是也。宗伯云。皆有牲幣。各放器之色。則其說踳駁。或記者因周尚赤。牲用騂。故槩云騂。犢而二至之祭。實用蒼黃之牲。與其詳不可得。而考要之。以郊丘爲一者。其理爲勝。若爾雅丘字之訓。又不足辨。釋丘云。絕高爲之京。非人爲之丘。毛傳云。高丘也。則散文亦通矣。詩禮有郊稷之文。不聞有圓丘配嚳之說。禘蓋宗廟五

年之大祭。祀其祖之所出。而不以配天也。此外有迎氣四郊。及季夏祭黃帝含樞紐。所謂祭五帝也。又四月龍見而雩。揔祭五帝於南郊。季秋又大饗五帝于明堂。皆祭大微五精之帝也。祭地自崑崙神州大示而下。至五土之示。成羣之置社。皆地示之屬矣。

卒章箋云。燕七祀之尸。○曲禮云。天子諸侯大夫祭五祀。歲徧。月令。春祀戶。祭先脾。夏祀竈。祭先肺。季夏祀中霤。祭先心。秋祀門。祭先肝。冬祀行。祭先

腎孟冬臘先祖五祀禮器曰禮行五祀正法則也
 家主中霤國主社郊特牲云三獻文祭法云王為
 羣姓立七祀曰司命曰中霤曰國門曰國行曰泰
 厲曰戶曰竈王自為立七祀諸侯為國立五祀曰
 司命曰中霤曰國門曰國行曰公厲諸侯自為立
 五祀大夫立三祀曰族厲曰門曰行適士立二祀
 曰門曰行庶士庶人立一祀或立戶或立竈○白
 虎通云祭五祀天子諸侯以牛卿大夫以羊因四
 時牲也一說戶以羊竈以雉中霤以豚門以犬井

以豕或曰中霤用牛餘不得用○禮書云考之于
 禮五祀之牲牛牲凡祭五祀于廟有主有尸觀月
 令臘先祖五祀同時則五祀祭于廟可知也曾子
 問既殯祭五祀尸入三飯則五祀有尸可知也既
 殯而祭不醕不酢則凡祭五祀固有侑醕與酢矣
 老婦之祭先儒以為竈配則五祀固有配矣先儒
 又謂卿以上宗廟有主五祀亦有主矣大夫以下
 宗廟無主五祀亦如之然大夫之廟未嘗無主五
 祀有主與否不可考也

按禮記月令及中霽禮呂覽皆曰冬祭行。行在廟門外之西。檀弓云毀宗躡行是也。淮南子白虎通則云冬祀井。其說以井者水之生。藏在地中。冬亦水王。萬物伏藏。故祀井于冬也。二說不同。恐當以禮記為正。緣月令祭法並有祭行之言。及中霽禮所記祭行禮甚詳。不應皆誤。蔡邕亦以為冬祭行。

沙

說文云沙。水中散石也。○易需卦九二。需于沙。注

云沙。接水者。○釋水云。渾沙出。注云。今河中呼水中沙堆為渾。

脯

釋名云。脯。搏也。乾燥相搏著也。修。縮也。乾燥而縮也。○周禮膳夫。凡王之稍事。設薦脯醢。腊。人掌乾肉。凡田獸之脯腊臠。臠之事。凡祭祀共豆脯薦脯。臠。臠。凡腊物。賓客。喪紀。共其脯腊。注云。薄析曰脯。捶之而施薑桂曰服修。腊。小物全乾。○曲禮云。以脯修置者。左胸右末。祭宗廟。脯曰尹。祭婦人之摯。

服丁喚反

胸音劬

言各牛正
卷四
脯修內則牛修鹿脯田豕脯麋脯麇脯大夫燕食有膾無脯有脯無膾郊特牲云大饗尚服修而已矣少儀云其以束修賜人若獻人則執修以將命○禮書云膳夫凡王之稍食則脯醢冠禮醮則脯醢喪禮小斂特豚脯醢以脯醢之于魚腊俎為輕故也大饗尚服修以禮賓冠禮取脯以見母婚禮賓取脯授從者燕禮賓執脯賜鍾人又婚禮婦摯服脯以見姑學者束修以見師以脯之于禮為重故也用之于前則冠禮始醮再醮之類是也羞之

臠音職

於後則籩人加籩之實栗脯是也脯體之直謂之脰士虞脯四脰鄉飲禮薦脯五脰是也脰亦謂之臠鄉射禮薦腊用籩五臠祭半臠臠長尺二寸是也

淥

說文云淥小水入大水也○箋云水外之高者也

壘

傳云壘山絕水也○詩緝云壘謂山當水路今水勢斷絕也西漢地理志金城郡有浩壘縣注云浩

浩音告

水名也。壘者，水流峽山間，兩岸深若門也。

假樂篇

百辟

箋云：畿內諸侯。○王制云：天子三公之田視公侯，天子之卿視伯，天子之大夫視子男，天子之元士視附庸，天子之縣內諸侯祿也，外諸侯嗣也。○周禮：太宰以八則治都鄙，注云：公卿大夫之采邑，王子弟所食邑在畿內者。韋師云：以家邑之田任稍地，以小都之田任縣地，以大都之田任甸地，賈公

彥云：家邑，大夫之采也，小都，六卿之采也，大都，三公之采也，親王子母弟與公同處，而百里次疏者與六卿同處，而五十里次疏者與大夫同處，二十里五里。○典命云：王之三公八命，其卿六命，其大夫四命，其出封加一等。

按孟子云：天子之卿受地視侯，大夫受地視伯，元士受地視子男，與王制所言不同。鄭以王制爲殷因夏禮，然則王制是夏商之法，孟子自說周制矣。鄭氏謂周公制太平，拓大九州之境，故

言名牛正 卷四
十
公封方五百里。侯封方四百里。伯封方三百里。子封方二百里。男封方一百里。而內諸侯采地最多者。儉于百里。何也。以百里五十里二十五里。爲差與王制。孟子俱不合。鄭果何據乎。孟子又以百里七十里五十里三等之封。爲周制。若使周制果如大司徒所云。孟子何以不聞乎。且周公雖致太平。計其拓地。豈能殊絕殷夏之世。而封外諸侯之地。遽加多若此。外諸侯既加。內諸侯又不應獨儉。凡此皆周禮之可疑者也。鄭氏

注大司徒。旣以王制縣內之數。爲夏之采地。周則未聞。注小司徒。又云采地百里之國。凡四都。五十里之國。凡四縣。二十五里。凡四甸。是前後自相戾也。其注王制云。畿內封國之數。各有致仕者。副之。載師注。又以宅田任近郊之地。爲致仕之家所受田。其稍縣。置三等。不云有致仕者之田在內。蓋亦以爲周變前代之法。其詳不可得而攷矣。王制孟子。皆云有天子元士之地。豈卽載師所謂以士田任近郊者乎。

公劉篇

積

箋云。乃有積委。○周禮。大司徒。大賓客。令野修道。委積。小司徒。小賓客。令野修道。委積。遺人。掌邦之委積。以待施惠。鄉里之委積。以恤民之艱阨。門關之委積。以待驕旅。縣都之委積。以待凶荒。凡賓客會同師役。掌其道路之委積。凡國野之道路。室有委。候館有積。注云。委積者。廩人倉人計九穀之數足。

國用。以其餘共之。少曰委。多曰積。遺人。凡賓客。令野修道。而委積。遂師。賓客。庀其委積。廩人。以歲之上下。數邦用。凡邦有會同師役之事。則治其糧。與其食。倉人。凡國之大事。共道路之委積。掌訝賓客。至。戒官修委積。

糧

說文云。穀食也。○周禮。廩人。凡會同師役之事。治其糧。

橐囊

詩召南采芣

三

傳云。小曰橐。大曰囊。○孫奕示兒編說文曰。無底曰囊。有底曰橐。董氏曰。無底曰橐。有底曰囊。唐韻云。橐。無底囊。一說不同。並存之。○徐鍇曰。無底曰橐。今纏腰下者。○詩緝云。東方朔傳云。奉一囊粟。是糧米盛于囊也。

戚 詳見齊風斧

傳云。戚斧也。○釋名云。戚感也。斧以斬斷。見者皆感懼也。

揚

傳云。揚鉞也。疏云。鉞大而斧小。大公六韜云。大柯斧重八斤。一名天鉞。○劉存事始。案輿服志曰。黃帝制。以銅為鳳首銜刃。古今注云。金斧。黃鉞也。鐵斧。玄鉞也。三代通用之。武王以黃鉞斬紂。太公以玄鉞斬妲己。將軍出征。授黃鉞者。亦以銅為之。○韓詩外傳云。諸侯有德。八錫鉄鉞。

巘

傳云。巘。小山別于大山也。○釋名云。小山別大山曰巘。巘。既也。既。一孔者。巘形孤出處似之也。○爾

言名物疏 卷四十九
三
二百六十一
雅云重甌。廉注云。謂山形如累兩甌。甌。山形似之。因以名云。

百泉溥原

曹氏曰。漢朝那縣屬安定郡。隋改為百泉縣。屬平涼郡。魏于其地置原州。唐因之。百泉溥原。即其處。○一統志。陝西平涼府鎮原縣。漢為安定郡。後魏置原州。

廬

周禮遺人。凡國野之道。十里有廬。廬有飲食。二十

房音訝

里有宿。宿有路室。路室有委。五十里有市。市有候館。候館有積。注。廬若今野候徒有序也。宿可止宿。若今亭有室矣。候館樓可以觀望者也。一市之間。有一廬三宿。

依

箋云。公劉既登堂。負展而立。○爾雅云。牖戶之間。謂之展。注云。窓東戶西也。禮云。芥序者。以其所在處名之。疏云。本戶牖之間名展。觀禮。天子設屏風之狀于戶牖間。因名此屏風為展。是以前在展處。

即名曰展也。○觀禮云。天子負斧依于戶牖之間。左右几。注云。依。如今綈素屏風也。有繡斧文。所以示威。○明堂位云。天子負斧依南鄉而立。其制五。禮書曰。養馬謂之閑。養牛羊豕謂之牢。閑以防之。牢以固之。各象其性而制之也。○郊特牲云。帝牛必在滌。三月。稷牛惟具。鄭氏曰。滌者。牢中搜除處。○周禮。肆師。大祭祀。展犧牲。繫于牢。頒于職人。充人掌繫祭祀之牲。祀五帝。則繫于牢。芻之。三月。享。

先王亦如之。○何休公羊注云。滌。官名。養帝牲三牢之處也。滌取其蕩滌滌潔清。三牢者。各主一月。取三月一時。足以充其大牲。

陸佃禮圖云。舊圖。匏爵用匏片為爵。據此乃杓也。若爵宜截其鼻以盛酒。不應破匏為之。鄭氏說取其瓠去抵。以齊為正。○禮記云。郊器用陶匏。以象天地之性也。又云。三王作牢。用陶匏。

流泉

寺名勿流

卷四七

七

二見二

郡縣志云。邠州三水縣。以縣界有羅川谷。三泉並流。故以為號。幽城在縣西。高泉山亦曰甘泉。在永壽縣北二十五里。五龍原在新平縣南三里。原側有五泉水。因名。

劉田三單

互見無衣篇師

箋云。公劉遷幽。丁夫適滿三軍之數。單者無羨卒也。○春秋傳曰。成國不過半天子之軍。諸侯之大者。三軍可也。○周禮。小司徒。上地家七人。可任者家三人。中地家六人。可任者二家五人。下地家五

人。可任者家二人。凡起徒役。毋過家一人。以其餘為羨。惟田與追胥竭作。賈氏曰。此謂六鄉之內。上劑致。一人為正卒。其餘為羨卒。若六遂之內。以下劑致。一人為正卒。一人為羨卒。其餘皆為餘夫。饒遠故也。○遂人。以下劑致。注云。以下劑為率。謂可任者家二人。

孟子曰。隰原九十五。而貢。人十。而也。周人百

孔氏曰。禹貢。雍州原隰。底績。公劉居幽。度其隰原。以治田。是幽居原隰之野。○郡縣志云。邠州新平

縣有五龍原。永壽縣有永壽原。宜祿縣有淺水原。

孟子曰。徹貢。蘇氏曰。徹者。徹也。徹者。徹也。徹者。徹也。

孟子曰。夏后氏五十而貢。殷人七十而助。周人百
畝而徹。徹者。徹也。助者。藉也。詩云。雨我公田。遂及
我私。惟助為有公田。由此觀之。雖周亦助也。○王
制曰。古者公田藉而不稅。○左傳云。穀不過藉。以
豐財也。○穀梁傳云。古者什一藉而不稅。○公羊
傳曰。古者什一而藉。○鄭匡人注云。周制畿內用
夏之貢法。稅夫無公田。邦國用殷之助法。制公田。

不稅夫。貢者自治其所受田。貢其稅。穀助者借民
之力以治公田。又使收斂焉。諸侯謂之徹者。通其
率。以什一為正。孟子云。野九夫而稅一。國中什一。
是邦國亦異外內之法耳。○朱子孟子章句云。周
時一夫受田百畝。鄉遂用貢法。十夫有溝。都鄙用
助法。八家全井。耕則通力而作。收則計畝而分。故
謂之徹。語錄云。此亦不可詳知。但因洛陽議論中
通徹而耕之說推之耳。或但耕則通力。收則各得
其畝。亦未可知也。

其按徹兼貢助二法。助法當如朱子所言。公田有廬舍在內是也。如鄭通率之說。則助之所取重貢之所取輕。非孟子皆什一之旨也。

夕陽

爾雅曰。山西曰夕陽。孫炎曰。夕乃見日。

鍛

傳云。鍛石也。箋云。所以為鍛質。說文作礲。云厲石也。

朱傳云。鍛鐵也。禹貢。梁州厥貢。璆鐵銀鏤。月

令。季春。命工師審五庫之量。金鐵毋或不良。廣雅云。鐵朴謂之礪。一統志。終南山出鐵。

皇澗過澗

傳氏曰。二澗當在邠州界。

芮

傳云。芮水厓也。箋云。芮之言內也。朱傳云。芮水名。出吳山西北。東入涇。周禮職方作洎。夏官職方云。雍州其川涇。洎。注云。洎在豳地。一統志。洎水在陝西鳳翔府隴州城西北。源出弦蒲藪。東入

涇水周職方雍州其川涇汭詩曰汭鞠之即皆謂是也吳嶽在隴州南八十里五國史一詩云

爾雅曰隩隈也屋內為隩外為鞠李巡曰屋內近水為隩其外為鞠孫炎曰內曲裏也外曲表也

河酌篇

餠

傳云餠餠也釋言云餠餠稔也孫炎曰蒸之曰饋均之曰餠鄧璞曰今呼餐飯為饋饋熟為餠

餠音溜
饋音分
餐音羞

說文云饋一蒸米也餠飯氣流也

卷阿篇

版

朱傳或曰版當為版版章猶版圖也○周禮小司徒聽閭里以版圖司會云掌凡在版圖者之貳以逆羣吏之治注版戶籍也圖土地形象田地廣狹司書掌邦中之版土地之圖職方氏掌天下之圖小司寇登民數自生齒以上登于天府司民掌登萬民之數自生齒以上皆書于版

豐自偃

鷓音述
鷓音霜

猶况必反

釋鳥云鷓。鳳其雌皇。○說文天老云。鳳象鴻前麟後。蛇頸魚尾。鸛頸鴛思。龍文龜背。燕頷鷄喙。五色備舉。出東方有道之國。翱翔四海之外。過崑崙飲砥柱。濯羽弱水。莫宿風穴。飛則羣鳥從以萬數。五方神鳥。東方曰發明。南方曰焦明。西方曰鷓鷄。北方曰幽昌。中央曰鳳皇。○左傳云。鳳鳥氏司曆。杜預云。鳳知時。故以名曆官。○大戴禮。羽蟲三百六十。鳳皇為之長。○禮運云。鳳以為畜。故鳥不獮。○

營豈濁

詩義疏云。鳳皇一名鸞。非梧桐不棲。非竹實不食。非醴泉不飲。在天為朱雀。○韓詩外傳。天老曰。鳳首帶德。頸揭義。背負仁。心入信。翼挾義。足履正。尾繫武。小音金。大音鼓。食有質。飲有儀。游必擇所。飢不妄下。其鳴也。雄曰節節。雌曰足足。昏鳴曰固常。晨鳴曰發明。晝鳴曰保章。舉鳴曰上翔。集鳴曰歸昌。○元命包云。火離為鳳。○運斗樞云。天樞得則鳳皇翔。○斗威儀曰。君乘土而王。其政太平。鳳皇集於林苑。○樂叶圖徵云。五音克諧。各得其倫。

則鳳皇至。冠類鷄頭。燕喙蛇頸。龍形麟翼。魚尾五彩。不啄生蟲。又曰。五鳳為瑞者一。其四似鳳。並為妖。一曰鸛鷓。至則役之感。二曰發明。至則喪之感。三曰焦明。至則水之感。四曰幽昌。至則旱之感。○動聲儀云。鎮星不逆行。則鳳皇至。○論語摘襄聖曰。鳳有六像。九包。六像者。頭像天。目像日。背像月。翼像風。足像地。尾像緯。九包者。口包命。心合度。耳聽達。舌詘伸。衫色光冠。矩州。宋均云州當作朱距銳鈞音激揚。腹文戶。行鳴曰歸嬉。止鳴曰提扶。夜鳴曰善。

哉。晨鳴曰賀世。飛鳴曰郎都。知我者唯黃。持竹實來。故子欲吳。九夷從鳳嬉。○山海經云。丹穴之山。有鳥如鷄。五采而文。名曰鳳皇。首文曰德。翼文曰義。背文曰禮。膺文曰仁。腹文曰信。飲食自然。自歌自舞。見則天下安寧。○帝王世紀云。國安。其主好文。則鳳皇翔。○莊子云。鳳帶聖嬰仁。左智右賢。○荀子曰。詩曰。鳳皇秋秋。其翼若干。其聲若簫。有鳳有皇。樂帝之心。○呂氏春秋云。黃帝聽鳳皇之鳴。以別十二律。○淮南子云。二皇鳳至於庭。三代鳳

鵲音鳥

至於門。周室鳳至於澤。德彌澆。所至彌遠。德彌精。所至彌近。○京房易傳云。鳳皇高丈二。○三輔決錄蔡衡云。凡鳳有五。多赤色者乃鳳。多黃色者鷩。多青色者鸞。多紫色者鸞。多白色者鵠。○禽經云。鳳青謂之鵠。赤謂之鷩。黃謂之鸞。白謂之鷩。紫謂之鸞。○瑞應圖云。鳳皇仁鳥。王者不刳胎剖卵則至。

梧 詳見定之方中篇桐

釋木云。櫟梧。注。今梧桐。○青史子云。梧東方之州。

春木也。○王逸子云。梧桐春榮。陽木也。○埤雅云。梧一名櫟。即梧桐也。今人以其皮青。號曰青桐。華淨妍雅。極可愛。故多近齋閣種之。梧橐鄂皆五焉。其子似乳。綴其橐鄂。生多或五六。少或一二。飛鳥喜巢。其中莊子所謂桐乳致巢也。○雅翼云。梧桐易生。鳥銜墜者輒隨生殖。其吐種者。是歲可高一丈。

朝陽

釋山云。山東曰朝陽。孫炎曰。朝先見日也。

寺名勿九

云

板篇

藥

說文治病艸。○周禮疾鑿以五藥養其病。注云。艸木蟲石穀也。瘍鑿。凡藥以酸養骨。以辛養筋。以鹹養脉。以苦養氣。以其養肉。以滑養竅。○本艸經云。上藥養命以應天。中藥養性以應人。下藥治病以應地。藥有陰陽配合。子母兄弟。根莖華實。艸石骨肉。○三皇紀云。神農始嘗百艸。始有鑿藥。六家詩名物疏卷四十九終。門人龔允升校。

六家詩名物疏卷五十

海虞馮復京嗣宗輯著

大雅蕩之什一

蕩篇

羹

爾雅云。肉謂之羹。○廣雅云。羹謂之涪。○釋名云。羹。注也。汁注郎也。○天官亨人祭祀共大羹。鉶羹。賓客亦如之。疏云。大羹。肉清。盛於登。謂太古之羹。不調以鹽菜及五味。鉶羹。是陪鼎。腳臠。調以五

音文

既音搭
杖音夾

味盛於鉶器。謂之鉶羹。若盛之於豆。即謂之庶羞。即公食大夫十六豆也。○公食大夫記云。鉶芼。牛藿。羊苦。豕薇。皆有滑。士虞記云。鉶芼用苦若薇。有滑。夏用葵。冬用苴。○曲禮云。進食之禮。羹居人之右。母罽羹。母祭羹。羹之有菜者用杖。無菜者不用杖。禮運云。退而合享。實其鉶羹。禮器云。納牲詔於庭。血毛詔於室。羹定。詔於堂。郊特牲云。大羹不和。貴其質也。內則云。膳。膾臠臠。食雉羹。麥食。脯羹。鷄羹。折稌。犬羹。兔羹。和糝。不蓼。凡羹。齊視。夏時。士不

貳羹。鵝羹。鴉羹。鴉羹。釀之蓼。羹食自諸侯以下至于庶人無等。○土藻云。子卯稷食菜羹。○毛詩義問云。鉶羹有菜。鹽豉其中。菜為其形象可食。因以鉶為名。○朱子云。鄉飲酒禮。鄉射禮。燕禮。大射儀。公食大夫。亦少牢饋食禮。皆曰羹定。蓋以羹熟為節。然後行禮。

○鬼方

易。高宗伐鬼方。○大戴禮。帝繫曰。陸終娶于鬼方氏。○世本注云。鬼方於漢則先零戎。○後漢西羌

傳云。武丁伐西戎鬼方。三年乃克。○唐高祖紀云。夏曰熏鬻。商曰鬼方。周曰玁狁。漢曰匈奴。魏曰突厥。○朱子殷武傳曰。高宗伐鬼方。蓋謂是與。

按鬼方不詳其地。蓋是遠夷之國也。古有三說。俱非確證。

本

說文曰。木下曰本。从木。一在其下。徐曰。一記其處也。

抑篇

蠻方

鄭注云。九州之外不服者。疏云。謂治夷鎮蕃三服。

○禹貢。五百里荒服。三百里蠻。一百里流。○大司

馬云。蠻畿。外方五百里曰夷畿。又其外方五百里

曰鎮。其外方五百里曰蕃。畿大行人云。九州

之外謂之蕃國。世一見。各以其所貴寶為擊。○周

語云。蠻夷要服。戎狄荒服。

屋漏

爾雅云。西北隅謂之屋漏。孫炎曰。當室之所。白日

非扶味反

光所漏入。舍人曰。古者徹屋西北隅以炊浴沒者。訖而復之。故謂之屋漏。○箋云。屋。小帳也。漏。隱也。禮祭于奧。既畢。改設饌于西北隅。而扉隱之處。此祭之末也。疏云。天官幕人職。掌帷幕幄帟。注云。幕以布。幄。帟。以繒。為之。幄在帷幕內。則為小帳。室內亦有之。屋漏者。正謂西北隅也。言祭末時事者。特牲禮尸設之後。云。佐食徹尸薦俎。設于西北隅。几在南扉。用筵。納一尊。佐食闔牖戶降。是其事也。禮記鄭注云。祭成人。始設奠于奧。是謂陰厭。尸設

後。改饌于西北隅。是謂陽厭。若宗子為殤。惟有陰厭。若庶子適殤。宗子適殤。惟有陽厭。士有陰厭。陽厭。天子諸侯亦同。唯上大夫無陽厭。為當日賓尸故也。

按奠之義。以陽厭為祭末之事。助祭者至此易倦。故以不愧戒之。考之特牲禮。陰厭尊有玄酒。陽厭納一尊而已。陰厭備鼎俎。陽厭俎釋三個而已。則非徒在祭末。而其禮亦略矣。朱子云。獨居於室。不主祭言。故迨旃瑣言云。不愧屋漏。猶

曰不愧闇室。然孔子云：當室之白，尊于東房。是謂陽厭。則屋漏非暗室矣。此箋云：扉隱之處，蓋用儀禮。扉用筵之文。彼文又云：佐食闔牖戶降。則室內無人。故彼注云：改饌為幽闇。有司徹司官闔牖戶。注云：或者神欲幽闇是也。非以屋漏為闇室也。若詩取暗室之義，則宜云不愧于奧，不得云不愧于屋漏。若欲從朱說者，但謂室中雖虛尚當不愧于東北之隅。理亦自通。何必指明為暗。反孔子之說乎。

柔木

箋云：柔忍之木。被之弦以為弓。○考工記：弓人為弓，取幹之道七。柘為上，檿次之，檟次之，柎次之，木瓜次之，荆次之，柞為下。凡相幹，欲赤黑而陽聲。赤黑，則心。陽聲，則遠根。

桑柔篇

圍

釋詁云：圍，垂也。舍人曰：圍，拒邊垂也。孫炎曰：國之四垂。

相

漢書云丞相掌丞天子助理萬機。○蔡邕獨斷云相助也。助理天下。

肺

說文云肺金藏也。○釋名云肺勃也。其氣鬱勃也。○素問云四方生燥燥生金。金生辛。辛生肺。肺生皮毛。皮毛生腎。肺主鼻。又云肺者相傳之官治節出焉。又云肺者氣之本魄之處也。其華在毛。其克在皮。為陽中之大陰。通於秋氣。○文子云肺為氣。

○白虎通云肺所以義何。肺者金之精。義者斷決。西方亦殺也。萬物故肺象金色白。繫於鼻。

腸

說文云腸大小腸也。○釋名云腸暢也。暢胃氣去滓穢也。○廣雅云腸詳也。○素問云六經為川。腸胃為海。又云脾胃大腸小腸者倉廩之本。營之居也。名曰器。能化糟粕轉味而入出。至陰之類。通於土氣。○白虎通云大腸小腸心之府也。主禮。禮有分理。腸亦大小相承受也。

今聖明大風小風承受也

箋云。西風謂之犬風。○釋天云。西風謂之泰風。孫炎曰。西風成物。物豐泰也。○易緯云。立秋。閭闔風至。○呂氏春秋曰。西方曰颶風。

颶音瀟

遂

孔氏曰。遂。有道之別名。

雲漢篇

郊

周禮。太宰。祀五帝。掌百官之誓戒。與其具修。前期

十日。帥執事。卜日。遂戒。及執事。視滌濯。及納亨。贊

王牲事。祀之日。贊玉幣。爵之事。冢人。祭祀。以疏布

巾。冢八尊。掌次。祀五帝。張大次。小次。設重。帟。重案。

大司徒。祀五帝。奉牛牲。羞其肆。充人。掌繫。祭祀之

牲。於元。五帝。則繫于牢。芻之。三月。大宗伯。以青圭

禮東方。以赤璋。禮南方。以白琥。禮西方。以玄璜。禮

北方。皆有牲幣。各放其器之色。祀大神。祭大示。治

其大禮。國有大故。則旅上帝。小宗伯。兆五帝于四

郊。大司馬。及執事。禱祠于上下神示。典瑞。四圭有邸

以祀天旅上帝。兩圭有邸以事地。旅四望。司服祀
 昊天上帝。則服大裘而冕。祀五帝亦如之。大司樂
 奏黃鍾歌大呂。舞雲門以祀天神。奏大簇歌應鍾
 舞咸池以祭地示。大祝掌六祈。一曰類。大司寇禮
 祀五帝。位誓百官。祭之日。奉明水火。小司寇禮祀
 五帝。實鑊水。納亨亦如之。職金。旅上帝共其金版。
 士師祀五帝。則沃尸及王盥。洎鑊水。○禮記月令
 孟春元日。所穀于上帝。仲夏大雩。帝禮運云。祭帝
 于郊。所以定天位。祀社于國。所以列地利。禮器有

禮音活

以下為貴者。○敬不壇。埽地而祭。有以素為貴者。
 大圭不琢。人養不和。大路素而越席。犧尊疏布甗
 檀杓。又云。禮之近人情者。非其至者也。郊血。又云。
 莞簟之安。而藁秸之設。又云。饗帝于郊。而風雨節。
 寒暑日刻。特牲云。郊特牲而社稷太牢。郊之祭。迎
 長日之至也。大報天而主日也。兆于南郊。就陽位
 也。埽地而祭。于其質也。器用陶匏。以象天地之性
 也。牲用騂。尚赤也。用犢。貴誠也。郊之用辛也。周之
 始郊。日以至。卜郊。受命于祖廟。作龜于禰宮。卜之

日王立于澤。親聽誓命。獻命庫門之內。戒百官也。太廟之命。戒百姓也。祭之日。王皮弁以聽祭報。被衮以象天。戴冕璪十有二旒。乘素車。旂十有二旒。龍章而設日月。帝牛必在滌。三月。稷牛惟具。所以別祀天神與人鬼也。祭法云。燔柴於泰壇。祭天也。瘞埋于泰折。祭地也。用騂犢。祭義云。郊之祭也。喪者不敢哭。凶服者不敢入國門。敬之至也。天報天而主日。配以月。夏后氏祭其闇。殷人祭其陽。周人祭日以朝及闇。明堂位云。魯君子孟春。乘大路。載弧

韜。旂十有二旒。日月之章。祀帝于郊。配以后。稷天子之禮也。公羊傳云。郊則曷為必祭稷。王者必以其祖配。自內出者無主不行。自外至者無主不止。

奠瘞

孔氏曰。奠謂置之於地。瘞謂埋之於地。禮與物皆謂為禮事神之物。酒食牲玉之類也。爾雅云。祭天曰燔柴。祭地曰瘞。疏云。祭天之禮。積柴以實牲體。玉帛而燔之。使烟氣之臭上達於天。祭神州

地示於北郊。瘞繒埋牲。因名祭地曰瘞埋。

宗

禮記

傳云宗尊也。凶荒索鬼神而祭之。○周禮大司徒荒政十一曰索鬼神。黨正春秋祭禘。大祝掌六祈類造禴禘。攻說小祝。掌侯禳禱祠之祝號。以逆時雨。寧風旱。○祭法云。埋少牢於泰昭。祭時也。相近於坎壇。祭寒暑者也。王宮祭日也。夜明祭月也。幽宗祭星也。雩宗祭水旱也。四坎壇祭四方也。山林川谷丘陵能出雲為風雨見怪物皆曰神。有天下者

祭百神。注相近當為禳祈。宗皆當為祭。疏此經所載謂四時乖序。寒暑僭逆。水旱失時。須有所禱。非關正禮之事。○左傳子產云。山川之神則水旱癘疫之災。於是乎祭之。日月星辰之神則雪霜風雨之不時。於是乎祭之。

群公先正

月令仲夏命有司為民祈祀山川百源。大雩帝。用盛樂。乃命百縣雩祀百辟卿士。有益于民者。以祈穀實。注百辟卿士古者上公。若句龍后稷之類。疏

百辟則古之上公。國語鯀爲宗伯。祭法有祀之文。社稷五祀。雖爲王朝卿士。兼帶上公之官。故左傳云。封爲上公。祀爲貴神。○周禮舞師掌教皇舞。帥而舞旱暵之事。稻人旱暵共其雩斂。司巫若國大旱則帥巫而舞雩。女巫旱暵則舞雩。○左傳云。龍見而雩。

旱魃

說文魃旱鬼也。○神異經云。南方有人長二三尺。袒身。目在頂上。走行如風。名曰魃。所見之國大旱。

赤地千里。一名旱母。遇者得之。投溷中卽死。旱災消也。○山海經係昆之山。有人衣青衣。名曰黃帝女魃。黃帝攻蚩尤冀州之野。蚩尤請風伯雨師。縱大風雨。黃帝乃下天女曰魃。雨止。遂殺蚩尤。魃不得復上。所居不雨。叔均言之帝。後置之赤水之北。所欲逐之者。令曰神北行。○文字指歸云。女媧禿無髮。

祈年

疏云。孟春祈穀。孟冬祈來。年是也。

月令。孟春。天子乃以元日祈穀于上帝。注云。謂以上辛郊祭太微之帝。疏云。郊特牲云。郊不言祈穀。此經言祈穀。不言郊。鄭以爲二祭是一。故此注謂以上辛郊祭也。郊各祭所感之帝。殷人祭汁。先紀。周人祭靈。威仰。○左傳。孟獻子云。郊祀后稷。以祈農事也。是故啓蟄而郊。郊而後耕。注云。啓蟄。夏正建寅之月。耕謂春分。

又云。孟冬。天子祈來年于天宗。注云。天宗。謂日月星辰也。○蔡邕云。日爲陽宗。月爲陰宗。北辰爲星

宗。○大宗伯以實柴祀日月星辰。注云。星。謂五緯辰。謂日月所會十二次。疏云。五緯。即五星。東方歲星。南方熒惑。西方太白。北方辰星。中央鎮星。辰雖據日月會時而言。卽二十八星也。○祭義云。郊大報天而主日。配以月。疏云。天帝獨爲壇。其日月及天神等。各爲一壇。○爾雅云。祭星曰布。

按此祈來年於天宗。旣非遇災禱禳。則與祭法所云王宮夜明。幽禰祭日月星者異矣。又非朝日夕月。則與祭義所云祭日于壇。祭月于坎者

異矣。其禮當如郊祭。主日配月者。日月及五緯星。二十八經星。合為一壇。而以實柴祀之。牲蓋用牛。以大宗伯注推之可見。

度正

疏云。正長也。周官三百六十。每官各有其長。

崧高篇

崧

釋山云。山大而高。崧。注。今中嶽嵩高山。蓋依此名。○釋名云。崧。竦也。亦高稱也。

嶽

釋山云。泰山為東嶽。華山為西嶽。霍山為南嶽。恒山為北嶽。嵩丘為中嶽。○禮記云。巡狩至于岱宗。

柴而望。祀山川。南嶽西嶽北嶽。如初禮。天子祭天

下名山。五嶽視三公。○大宗伯以血祭祭五嶽。國

有大故。旅四望。注云。四望。五嶽四鎮。四瀆。典瑞。兩

圭有邸。以旅四望。司服。祀四望山川。則毳毼。大司

樂。奏姑洗。歌南呂。舞大磬。以祀四望。凡五嶽崩。令

去樂。職方氏。荊州衡山。豫州華山。兗州岱山。并州

聲詔同

恒山。○白虎通云。嶽之為言。棟。棟功德。東岱宗者。言物更相代於東方。南霍者。護也。太陽用事。護養萬物。西華者。穫也。萬物成熟。可得穫也。北恒者。常也。萬物伏藏有常也。中央嵩山。言其峻大之也。○風俗通云。東方泰山。尊曰岱宗。岱始也。宗長也。萬物之始。陰陽交代。故為五嶽長。南方衡山。一名霍。霍者。萬物盛長。垂枝布葉。霍然而大。西方華者。萬物變華於西方也。北方恒者。常也。中央嵩者。高也。○說苑云。五嶽能大布雲雨焉。能大歛雲雨焉。雲

洞音同

蠶以追反

牝音作璞

音樞浮音

善音姚

觸石而出。膚寸而合。不崇朝而雨天下。德施博大。故視三公也。○山海經云。泰山上多玉。下多金。有獸曰狌狌。太華之山。削成而四方。高五千仞。廣十里。鳥獸莫居。有蛇名肥蠶。小華之山。木多荆杞。獸多牝牛。陰多磬石。陽多瑇瑁。瑁之玉。鳥多赤鷩。艸有草荔。衡山上多青藜。多桑。其鳥多鸚鵡。北嶽之山。多枳棘剛木。有獸名諸懷。少室之山。有木名帝休。上多玉。下多鍊。泰室之山。有栢木。善艸。多美石。按泰山在今山東濟南府泰安州北五里。華山

詩名物類卷五

三

三百廿二

九

在陝西西安府華州華陰縣南十里。衡山在湖廣衡州府衡山縣西三十里。恒山在直隸真定府定州曲陽縣西北一百四十里。嵩山在河南河南府登封縣北十里。禹貢之外方也。東謂太室。西謂少室。相去十七里。嵩其揔名也。衡山一名霍。故孔安國注尚書。鄭玄注大宗伯。服虔注左傳。及孝經鉤命決。龍魚河圖。皆以衡山為南嶽。而書傳白虎通。風俗通。爾雅。廣雅。說苑。諸書。並以霍山為南嶽。衡霍一也。即今衡州之衡山。

也。直隸廬州府六安州有霍山。即天柱山。漢武南巡。以衡嶽遠阻。乃移嶽神於此而祀焉。其後因得衡山之名。郭璞以六安之霍為南嶽。非也。鄭注大司樂五嶽數。雍州之吳嶽。而不數嵩。蓋以職方九州。有吳嶽。無嵩高。取爾雅五山五嶽。差而配之。以充五嶽四鎮。故云爾。其實五嶽不數河西嶽也。吳嶽山在今陝西鳳翔府隴州南。近八十里。風俗通言其嶽正。

周書云。士率眾時作謂之伯。○要畧云。伯。把也。持政事也。○風俗通云。伯者長也。白也。言其咸建五長。功實明白也。○王制云。伯七十里。○周禮云。諸侯之地。封疆三百里。其食者參之一。又云。伯執躬圭。其他皆如諸侯之禮。

私人

有司微云。主人降。獻私人。注云。大夫言私人。明不純臣。○玉藻云。大夫私事。使私人擯。

介圭

釋器云。珪大尺二寸。謂之玠。○太宗伯。以玉作六瑞。以等邦國。玉人之事。鎮圭尺有二寸。天子守之。命圭九寸。謂之桓圭。公守之。命圭七寸。謂之信圭。侯守之。命圭七寸。謂之躬圭。伯守之。

按介之為言大也。毛以為諸侯之瑞圭是也。鄭獨以為尺二寸之圭。不知尺二寸乃王之鎮圭。豈得以賜諸侯乎。尚書。太保承介圭。孔傳。國云。大圭尺二寸。天子守之。可證介圭即鎮圭也。

詩名物疏 卷五 見

朱傳云。郿在鎬京之西。岐周之東。○一統志。郿縣

在陝西鳳翔府府城東南百四十里。郿城在郿縣

北十五里。渭水之北。回音太泐。今在郿西。云

郿以然。只二十。云。主不味。只二十。云。王。之。與。主

對。今。云。無。言。大。也。子。以。為。商。周。陳。三。吾。枝。也。說

郿。云。云。論。述。小。下。謂。之。陳。三。吾。枝。也。說

郿。云。云。論。述。小。下。謂。之。陳。三。吾。枝。也。說

郿。云。云。論。述。小。下。謂。之。陳。三。吾。枝。也。說

郿。云。云。論。述。小。下。謂。之。陳。三。吾。枝。也。說

六家詩名物疏卷五十一

海虞馮復京嗣宗輯著

大雅蕩之什二

烝民篇

考

釋親云。父為考。母為妣。○白虎通曰。考。成也。言有

成德。○曲禮曰。生日父母妻。歿曰考妣。嬪。

說文

說文云。喉。隴也。○素問曰。喉。主天氣。咽。主地氣。○

詩名物疏 卷五十一
物理論云。咽喉生之要孔。

韓奕篇

太康○梁山

禹貢冀州既載壺口治梁及岐。○釋山云。梁山。晉望也。注云在夏陽西北。臨河上。○地里志。左馮翊夏陽縣。故少梁。梁山在西北。○九域志。山在龍門之南。○括地志。在同州韓城縣東南一十九里。○玉海云。梁山在京兆府奉天縣北五里。古公踰梁山。秦立梁山宮。又同州韓城縣南十九里。亦有梁

山。漢左馮翊夏陽縣西北。詩所謂奕奕梁山也。爾雅以爲晉望。

按同州韓城縣。今屬陝西西安府。古之韓國。晉爲少梁。秦漢之夏陽縣也。梁山在其境。非大王遷岐所踰之梁山也。太王所踰之梁山。在乾州西北五里。乾州即唐之奉天縣也。

韓

左傳云。韓武之穆也。○通典同州韓城縣。古韓國。有韓原。○一統志。古韓城在韓城縣南十八里。

按水經注引王肅曰涿郡方城縣有韓侯城後魏志亦云范陽郡方城縣有韓侯城此詩下文又有燕師所完奄受北國之文故李氏疑韓國在燕地古方城縣即今順天府固安縣地也存之以備參考。

受命

朱傳云蓋即位除喪以士服入見天子而聽命。○王制云諸侯之世子未賜爵視天子之元士以君其國。○韓詩內傳云諸侯世子三年喪畢上受爵

命于天子。○白虎通云世子上受爵命衣士服何謙不敢自專也。故詩曰韎韐有奭世子始行也。

覲 互見沔水篇朝

大宗伯云秋見曰覲。大行人云秋覲以比邦國之功。○聘禮云侯氏禘冕釋幣于禰乘墨車載龍旂弧韜乃朝以瑞玉有繅天子設斧依于戶牖之間左右几天子衮冕負斧依侯氏入門右坐奠圭再拜稽首擯者謁侯氏坐取圭致命王受之玉侯氏降階東北面再拜稽首擯者延之曰升升成拜乃

出記。凡侯于東箱。偏駕不入王門。奠圭于纁上。

入覲

五見商頌長發篇

箋云。覲於宣王而奉享禮。○周禮內府。凡四方之幣獻之金玉齒革兵器。凡良貨賄入焉。大行人云。廟中將幣三享。注。皆束帛加璧。庭實惟國所有。小行人云。合六幣。圭以馬。璋以皮。璧以帛。琮以錦。琥以繡。璜以黼。玉人云。璧琮九寸。諸侯以享天子。琬琰八寸。諸侯以享夫人。○覲禮云。四享皆束帛加璧。庭實惟國所有。注云。四當為三。初享或用馬。或

用虎豹之皮。其次享。三牲魚腊。邊豆之實。龜也。金也。丹漆絲纊竹箭也。其餘無常貨。惟所有分為三享。皆以璧帛致之。又云。奉束帛。匹馬。卓上。九馬隨之。奠幣再拜稽首。升致命。王撫玉。侯氏降自西階。東面。授宰幣。西階前再拜稽首。以馬出。授人。九馬隨之。事畢。

綏章

傳云。綏。大綏也。○王制云。天子殺則下太綏。諸侯殺則下小綏。注。綏當為綏。有虞氏之旌旗也。明堂

言不... 卷五十一
位云。夏后氏之綬。注云。虞當言綬。夏當言旂。蓋錯
誤也。綬謂注旄牛尾于杠首。所謂大麾。周禮。建大
麾以田。○夏采注云。徐州貢夏翟之羽。虞以為綬。
後世或無染烏羽象而用之。或以旄牛尾為之。綬
於幢上。所謂注旄於竿首。互見于旄旌旌
箋云。綬所引以登車。有采章也。○說文云。綬。車中
把也。○曲禮曰。君車已駕。僕取貳綬跪乘。凡僕人
之禮。必授人綬。乘路馬。必朝服。不敢授綬。少儀曰。
執君之乘車。則坐。僕者。右帶劔。負良綬。申之面。拖

諸牒。以散綬升。執轡。然後步。○論語曰。升車必正
立。執綬。

鏤錫

疏云。金路無錫。有鈎。此金路得有鏤錫者。蓋特賜
之。○巾車云。玉路。錫樊纓。注。錫。馬面當盧。刻金為
之。所謂鏤錫。當盧者。當馬之額。盧在眉眼之上。

鞞

傳云。鞞。軾中也。○考工記。輿人為車。參分車隧。一
在前。二在後。以揉其式。以其廣之半為之。式崇。參

分軫圍去一以為式圍。○孔氏云。軾者兩較之間。有橫木可憑者也。

淺

傳云。虎皮淺毛也。○月令。其蟲裸。注云。虎豹之屬恒淺毛。

幟

傳云。辟覆式也。○玉藻云。君羔辟虎植。大夫齋車鹿辟豹植。朝車士齋車鹿辟豹植。注云。辟。覆苓也。少儀曰。御負良綬。申之面。拖諸辟。曲禮曰。大夫士

去國素箴。○周禮。王之喪車。木車犬禊。疏飾。素車犬禊。素飾。藻車鹿淺。禊革飾。駟車然。禊髮飾。漆車。豨禊。雀飾。○荀子曰。絲末彌龍。所以養威也。○禮書云。辟若席然。施諸軾上。諸書辟箴禊末俱即幟字

金厄

疏云。毛以厄為厄蟲。則金厄者。以金接轡之端。如厄蟲然。鄭易傳。以金為小環。往往纏搭之。往往者言非一二處。

屠

李氏曰同州鄜谷。○說文云鄜在馮翊郿陽亭。○朱傳或曰卽杜也。○解頤字義云屠蓋在鎬京東非之地未詳其處或以爲在同州鄜谷則太遠或以爲卽鄜縣之杜陵則其地在鎬京南不當至此也。

金匱

壺

說文云壺昆吾園器也象形從太象其蓋也。○周禮秋嘗冬蒸其饋獻用兩壺尊掌客上公壺四十夫人致禮八壺侯伯三十二夫人致禮八壺子男

二十四夫人致禮六壺。○禮記五獻之尊門內壺又云尊壺者面其鼻。○特牲禮視壺濯尊兩壺于阼階東又曰覆兩壺焉蓋在南鄉飲酒尊兩壺于房戶間鄉射兩壺斯禁聘禮陳饗或八壺或六壺燕禮卿大夫兩方壺士旅兩圜壺公尊瓦大大射膳尊兩甒卿大夫方壺士旅圜壺少牢尊兩甒士喪大斂兩瓦甒虞兩甒。○三禮圖云洗壺受一斛口徑一尺頭高五寸大中身兌下赤漆中上加青雲氣方壺受一斛腹圜足口方圜壺受一斛腹方

足口圍。

菽

釋器云。菜謂之菽。○孔氏云。菽者菜茹之總名。

筍

筍音待
筍落同

爾雅云。筍。竹萌。筍。箭萌。○天官醢人云。箘。菹。雁醢。筍。菹。魚醢。○陸機云。筍皆四月生。惟巴竹筍。八月九月生。始出地。長數寸。鬻以苦酒。豉汁浸之。可以就酒及食。○呂覽云。和之美者。越駱之菌。注。越駱。山名。菌。竹筍也。○筍譜云。竹初種。根食土而下。求

乎母也。及擢筍。冒土而上。愛乎子也。筍大約不過青綠色。本艸木性。甲乙氣。○李英公本艸云。竹筍。性甘。無毒。主消渴。利水道。益氣。可久食。

贈

覲禮云。天子賜侯氏以車服。路先設。西上。路上四亞之。重賜無數。在車南。諸公奉篋服。加命書于其上。升自西階。東面。大史是右。侯氏升。西面立。大史述命。侯氏降。兩階之間。北面再拜稽首。升成拜。大史加書于服上。侯氏受。○樂記云。大路者。天子之

言名物類 卷五十一
車也。龍旂九旒。天子之旌也。青黑緣者。天子之寶龜也。從之以牛羊之羣。則所以贈諸侯也。

侯氏

覲禮注云。不言諸侯。言侯氏者。明國殊舍異。禮不
凡之也。

貓

傳云。貓似虎淺毛者也。○釋獸云。虎竊毛謂之虢。貓注。竊淺也。詩曰。有貓有虎。又云。狡麇如虢貓。○雅翼云。虎淺色謂之虢貓。而西域傳注稱獅子似

虎。正黃而有頤尾端毛大如斗。又詩稱韓土之樂。有貓有虎。周書記武王之狩。禽虎二十有二。貓二。則是虎之類也。

按釋獸之文。貓即虎之淺毛者。以上下文熊羆虎類之。知是猛獸。非捕鼠之貓也。捕鼠之貓。形亦似虎。又畫地卜食亦如虎。其鼻端嘗冷。惟夏未至。一日煖。蓋陰類也。故應陰氣如此。與虎陽獸感風不全。酉陽雜俎云。貓一名蒙貴。一名烏圓。陸農師以貓食田鼠。虎食田彘。故詩以譽韓樂。

失之矣。

燕全西州

朱傳云。燕。召公之國。○地里志。薊縣。故燕國。召公

所封。○國都城記云。地在燕山之野。故國取名焉。

北燕伯欵始。見春秋。○元命包云。箕星散為幽州。

分為燕國。○一統志。順天府。武王封堯後於薊。封

召公奭于燕。即此。燕山在薊州玉田縣西北二十

里。

百蠻

補傳云。蠻夷可通稱。北稱蠻。猶西稱夷。○史記匈奴傳。居于北蠻。

追貊

傳云。追貊。戎狄國。箋云。後追貊為獫狁所逼。稍稍

東遷。疏云。貊者。東夷之種。分居於北。故於此時為

韓所統。○周官職方。辨九貉之人民。注云。北方曰

貉。狄。貉。隸注云。征東北夷所獲。○說文云。貉。北方

豸種。孔子曰。貉之為言惡也。○漢書高紀云。北貉

燕人助漢。師古曰。貉在東北方。三韓之屬。皆貉類。

歲音穢

也。○地理考云。後漢傳有豸耳小水豸穢豸之屬。東夷之豸也。

北國

箋云。北面之國。疏云。職方氏。正北曰并州。言受王畿北面之國。當是并州牧。○黃氏曰。今洛州曲梁。赤狄也。中山安喜鮮虞國。真定鼓國。棠城西纍肥國。皆白狄也。

洛音名

壑

說文云。壑。溝也。○釋言云。隍。壑也。舍人曰。隍。城池

也。壑。溝也。

豸

穀音反

釋獸云。豸。白狐。其子穀。○陸機云。豸似虎。或曰似熊。一名執夷。一名白狐。遼東人謂之白羆。○說文云。虎。豹屬。出貉國。○書云。如虎如豸于商郊。○曲禮曰。前有擊獸。則載豸豸。○莊子曰。豐狐文羆。搏於山林。伏於巖穴。夜行晝居。求食江湖之上。

江漢篇

淮夷

詩名勿流

卷五十一

十一

陳傳良云。江漢常武二篇。同言淮夷。以地里考之。曰江漢之滸者。淮南之夷也。若在淮北。則江漢非所入之路也。曰率彼淮浦。省此徐土者。淮北之夷也。若在淮南。則徐土非聯接之地矣。孔氏曰。召公伐淮夷。在淮水南。魯僖伐淮夷。在淮水北。當淮之南北。皆有夷也。○禹貢云。淮夷蠙珠暨魚。費誓云。徂茲淮天。徐戎並興。○春秋僖十四年。祀辟淮夷。遷都諸侯城緣陵。十六年。鄆為淮夷所病。會于淮。謀鄆。○後漢東夷傳。殷武乙衰敝。東夷浸盛。遂分而平之。

占

疏云。鬱人掌和鬱鬯以實彝。則鬯當在彝。而此及尚書左傳。皆云秬鬯一占者。當祭時乃在彝。未祭則在占。賜時未祭。故占盛之。○爾雅云。彝。器也。占。中尊也。孫炎曰。尊彝為上。罍為下。占居中。郭璞曰。占。不大不小者。○周禮。鬯人。廟用脩。注云。廟

官。酒人奄十人。注云。奄。精氣閉藏者。漿人奄五人。籩人醢人各奄一人。醢人鹽人各奄二人。冪人奄一人。內小臣奄上士四人。寺人王之正內五人。內豎倍寺人之數。地官春人饎人各奄二人。豪人奄八人。春官守祧奄八人。

苴苴

傳云。水中浮艸。○箋云。樹上棲苴。○疏云。苴是艸木之枯槁者。故在樹未落。及已落為水漂。皆稱苴也。○風俗通云。艾千數。殊也。

按毛以苴為水中浮艸。鄭以棲者。居在木上之名。謂水上為棲。于理未愜。故易之云。樹上棲苴。朱傳云。水中浮艸。棲于木上者。意欲合二說為一。不知既漂水中。何緣仍居木上。若如蒲柳等木。本生水邊。故水中艸得棲之。則為水浸潤。不得枯槁。進退求之。朱義難通。

疏糲

朱傳云。疏糲也。糲則精矣。○九章算術云。粟率五十。糲米三十。糲二十七。鑿二十四。御二十一。

曰。四海之內。各以其職來助祭。尚書曰。羣后肆朝是也。天下之禮。必以事其夫。主。因。故。祭。其。禮。

賈。謂。我。將。篇。祭。其。禮。祭。其。禮。祭。其。禮。祭。其。禮。

序云。祀文王於明堂。疏云。此祀明堂。是大享五帝。

非迎氣告朔也。五帝之牲用特牛。文武為配。於禮

得有年。○孝經云。管者周公郊祀后稷以配天。宗

祀文王於明堂以配上帝。是以四海之內。各以其

職來祭。○曲禮云。大饗不問卜。不饒富。月令。季秋

上丁。命樂正入學習吹。是月也。大饗帝。樂記曰。祀

乎明堂而民知孝。祭法云。虞祖顓頊而宗堯。夏祖

顓頊而宗禹。殷祖契而宗湯。周祖文王而宗武王。

注云。祭五帝五神於明堂曰祖宗。明堂位云。明堂

也者。明諸侯之尊卑也。周公朝諸侯於明堂。制禮

作樂。頒度量而天下大服。○考工記云。夏后氏世

室。堂修二七。廣四修一。五室。三四步。四三尺。九階。

四旁兩夾牕。白盛。門堂三之一。室三之一。殷人重

屋。堂修七尋。堂崇三尺。四阿重屋。周人明堂。度九

丈。堂崇三尺。四阿重屋。周人明堂。度九丈。堂崇三尺。

丈。堂崇三尺。四阿重屋。周人明堂。度九丈。堂崇三尺。

丈。堂崇三尺。四阿重屋。周人明堂。度九丈。堂崇三尺。

丈。堂崇三尺。四阿重屋。周人明堂。度九丈。堂崇三尺。

言名物類 卷五十二 三百四
尺之筵。東西九筵。南北七筵。堂崇一筵。五室。凡室
二筵。○周書明堂曰。方百一十二尺。高四尺。階廣
六尺三寸。室居中。方百尺。室中方六十尺。東應門。
南庫門。西臯門。北雉門。東方曰青陽。南方曰明堂。
西方曰總章。北方曰玄堂。中央曰大廟。以左爲左
个。右爲右个。○帝命驗云。帝者成天立府。以尊天
重象。赤曰文祖。黃曰神斗。白曰顯記。黑曰玄矩。蒼
曰靈府。○大戴禮云。明堂凡九室。一室而有四戶。
八牖。三十六戶。七十二牖。以茅蓋屋。上圓下方。外

水名曰辟雍。○含文嘉云。明堂所以通神靈。感天
地。正四時。○禮記外傳云。一堂之上爲五室。南面
三階。五室者。象地載五行也。五行生於四時。故每
室四達。○援神契云。周之明堂。在國之陽。三里之
外。七里之內。在辰巳。

時邁篇

時邁

序云。時邁。巡狩告祭。柴望也。○尚書云。歲二月。東
巡狩。至于岱宗。柴望秩于山川。肆覲東后。協時月。

言一物正 卷五十二 三 三百〇二
正日同律度量衡。修五禮。五玉三帛。二生一死。贊如五器。卒乃復。五月南巡狩。至于南嶽。如岱禮。八月西巡狩。至于西嶽。如初。十有一月朔巡狩。至于北嶽。如西禮。歸格于藝祖。用特。○周禮大司馬云。及師大合軍。以行禁令。以救無辜。伐有罪。注云。師謂巡狩會同。職方氏。王將巡狩。戒于四方曰。各修平乃守。考乃職事。無敢不敬。戒及王之所行。先道帥其屬而巡。戒令。王殷國亦如之。大行人。十有二歲。王巡守殷國。土訓誦訓。王巡狩則夾王車。○王

制云。天子五年一巡守。柴而望祀山川。覲諸侯。問百年者。就見之。命太師陳詩以觀民風。命市納賈以觀民所好惡。命典禮考時月。定日。同律禮樂制度衣服正之。山川神祇有不舉者。為不敬。君削以地。宗廟有不順者。為不孝。君絀以爵。變禮易樂者。為不從。君流。革制度衣服者。為畔。君討。有功德於民者。加地進律。○大戴禮云。十有二歲。天子巡狩。是故諸侯上不敢侵陵。下不敢暴小民。○逸禮云。巡狩者。何。巡。循也。狩。牧也。為天循行牧民也。○禮

記外傳云夏殷五載一巡狩。五年再閏周制十二年一

巡狩。歲星巡狩之年四方諸侯先會嶽下以候見。

○左傳云天子非展義不巡守。又云先王卜征五

年歲襲其祥祥習乃行。○孔叢子云天子將巡狩

必告於祖禰命告羣祀及社稷畿內名山大川七

日而遍視牲及用幣。

橐

疏云橐者弓衣一名韜故納弓於衣謂之韜弓。○

左傳楚公子圍娶于公孫段氏垂橐而入注云垂

橐示無弓。○樂記云武王克殷倒載干戈包之以

虎皮名曰建橐注云兵甲之衣曰橐。

夏

箋云樂歌大者稱夏。○周禮大司樂大祭祀王出

入奏王夏尸出入奏肆夏牲出入奏昭夏帥國子

而舞大饗不入牲其他皆如祭祀大射王出入令

奏王夏鍾師以鐘鼓奏九夏王夏肆夏昭夏納夏

章夏齊夏族夏祫夏騶夏注云九夏皆詩篇名頌

之族類載在樂章樂崩亦從而亾是以頌不能具

樂師教樂儀。行以肆夏。趨以采薺。車亦如之。○杜
子春云。王出入奏王夏。尸出入奏肆夏。牲出入奏
昭夏。四方賓來奏納夏。臣有功奏章夏。夫人祭奏
齊夏。族人侍奏族夏。客醉而出奏陔夏。公出入奏
騫夏。賈公彥云。此九夏者。惟王夏天子得奏。其肆
夏則諸侯亦得用。故燕禮奏肆夏。大夫以下不得。
故郊特牲云。大夫奏肆夏。由趙文子始。明不合也。
其昭夏以下。諸侯亦用之。鄉飲酒鄉射燕禮大射。
賓醉將出之時。皆云奏陔。大射公入奏騫夏。明天

子亦用也。○禮記云。賓入大門而奏肆夏。示易以
敬。○國語曰。金奏肆夏。繁遏渠。天子所以享元侯。
呂叔玉云。皆周頌也。肆夏。時邁也。繁遏。執僮也。渠。
思文。肆。遂也。夏。大也。言遂于大位。謂王位也。故時
邁曰肆于時夏。

執競篇

筦

書曰。下管鼗鼓。○周禮。小師掌教籥管。注云。管如
遂而小。併兩而吹之。今大予樂官有焉。瞽矇。掌播

僮僮

簞音矯簞
乃結反簞
音鈔
鑿音池

簞管。笙師掌吹管。大司樂孤竹管。圜丘奏之。孫竹管。方丘奏之。陰竹管。宗廟奏之。○燕禮大射。下管新宮。○禮記。下管象。又云。竹聲濫濫以立會。會以聚衆。君子聽竽笙簞管之聲。則思畜聚之臣。○爾雅云。大管謂之箛。其中謂之篴。小者謂之篳。注。管長尺圍寸。併漆之。有底。○廣雅云。管象篳。長尺圍寸。六孔無底。○呂氏春秋曰。倕作管。○風俗通云。管漆竹。長一尺。六孔。十二月之音。象物貫地而牙。故謂之管。尚書大傳。舜之時。西王母來獻白玉瑄。

管章帝時。零陵文學奚景於冷道舜祠下。得笙白玉瑄。知古以玉為瑄。後乃易之以竹耳。夫以玉作音。故神人和。鳳凰儀也。○白虎通云。管。良音也。○樂法圖曰。東律主黃鍾。聖人承天樂用管。管音調則律歷正。○樂書云。八音七曰竹。其卦則震。方則東。時則春。聲尚議。律姑洗。風明庶。其音溫。春分之氣也。先王以為簞管之屬。管女媧氏命。娥陵氏制。都良之管。以一天下之音。又命聖氏為班管。合日月星辰。至帝嚳命咸墨吹竽展管。亦因是矣。

思文篇

來牟

說文云。來。周所受瑞麥來麩。一來二縫。象芒束之形。天所來也。來。麩麥也。○雅翼云。古稱下田宜稻。麥。今小麥例。須下田。大麥則不然。詩所謂青青之麥。生于陵坡者。謂大麥也。麩者。周所受瑞麥來麩也。一作牟。又作麥。即今大麥。劉向以為釐麩麥也。然則來牟一物。唯廣雅以麩為大麥。來為小麥。○本艸云。小麥味甘。主除熱。止躁渴。養肝氣。以作麩。

作麩。温。大麥。味鹹。主消渴。除熱。益氣。調中。為五穀長。

按韓詩作貽我嘉麥。可知來麥為一物。張揖之言。不足據也。

周頌臣工之什一

臣工篇

保介

箋云。保介。車右也。○月令。孟春。天子親載耒耜。措之於參。保介之御。間躬耕。帝籍。注云。保介。車右也。

人君之車。必使勇士衣甲居右而參乘。備非常也。保猶衣也。介甲也。○呂氏春秋注云。保介副也。載耒耜致于保介之間施用之。○朱傳云。蓋農官之副也。

按周禮。田僕掌馭田路以田以鄙。鄭氏曰。鄙。巡行縣鄙。然則耕籍於郊。蓋木路矣。周禮夏官有戎右。齊右道右。而無木路之右。鄭氏云。戎路之右。田獵亦爲之右焉。此保介即戎右也。高誘惟云副也。朱子增成其義曰。農官之副。然未見確

然。

畬

爾雅云。田三歲曰畬。孫炎曰。畬和也。田舒緩也。疏云。畬和柔之意。

錢

說文云。錢。鉞也。古田器。○世本云。垂作鉞。宋仲子云。鉞。刈也。○孔氏云。鉞。刈物之器。○管子云。一農之事。必有一耜一鉞一鎌一鋤一椎一鍤。然後成爲農。○莊子云。春雨日時。艸木怒生。鉞鋤於是乎始

斛音鉞
鑿音插
鑿音華
鑿音華
樂此遙反
裡音駭

鑿音鑿
音助斷丁
錄反定多
伎反

修。注云。銚。七遙反。削也。能有所穿削也。又他堯反。
○爾雅。剡。謂之鑿。○方言。燕之東北。朝鮮。洌水之
間。謂之剡。宋魏謂之鑿。或謂之鑿。江淮。南楚。謂之
甬。趙魏。謂之杲。東齊。謂之裡。

鑿

傳云。鑿。鑿。朱傳云。鉏也。○爾雅云。斲。斲。謂之定。李
巡曰。鋤。別名也。郭云。鋤。屬。○廣雅云。定。謂之耨。○
世本云。垂。作耨。○周禮。攻金之工。段氏。為鑿器。粵
之無鑿也。非無鑿也。夫人。而能為鑿也。○呂氏春

耨音耨

秋云。耨。柄尺。此其度也。其耨六寸。所以間稼也。注
云。耨。芸苗也。六寸。所以入苗間。○釋名云。鋤。助也。
去穢。助苗長也。齊人。謂其柄曰。檀頭。曰。鶴。耨。以鋤
嫗。耨。禾也。鑿。亦鋤類。鑿。迫也。

銚

說文云。銚。穫禾短鎌。○釋名云。銚。穫禾鐵也。銚。銚。
斷穗聲也。○廣雅曰。銚。謂之刈。

按錢鑿銚。皆田器也。釋文。銚。音七遙反。則銚。即
今之鋤。所以起土。可用於耕。鑿。先儒。或以為鋤。

或以為耨。蓋一器而異名。高氏云。所以芸者也。錘則刈禾短鎌也。

噫嘻篇

三十里

箋云。竟三十里者。一部一吏主之。周禮萬夫有川。川上有路。計此萬夫之地方三十三里。少半里也。言二十里者。舉成數。○朱傳云。此必鄉遂之官司稼之屬。其職以萬夫為界者。溝洫用貢法。無公田。故皆謂之私。

耕

周禮閭師云。凡任民任農以耕事。貢九穀。不耕者祭無盛。○周書曰。神農之時。天雨粟。神農耕而種之。○山海經云。后稷播百穀。始作耕。○韓詩說云。東西耕曰橫。南北耕曰由。○呂氏春秋云。冬至後五旬七日。莒葉生。莒者百州之先生也。於是始耕。○汜勝之書曰。秋耕宜早。春耕宜遲。強土而弱之。弱土而強之。○王氏農書曰。耕地之法。未耕曰生。已耕曰熟。初耕曰塌。再耕曰轉。生者欲深而猛。熟

言名物考 卷五十二
者欲淺而廉。

振鷺篇

雝

傳云。雝澤也。○韓詩章句云。西雝。文王之雍也。言文王之時。辟雍學士。皆潔白之人也。○朱氏云。先儒多謂辟廡在西郊。故曰西雝。

客

箋云。二王後祀宋。○郊特牲云。天子存二代之後。猶尊賢也。尊賢不過二代。○樂記云。武王伐紂。既

下車。封夏后氏之後於杞。投殷之後於宋。○尚書云。成王既黜殷命。殺武庚。命微子啓。作微子之命。王若曰。殷王元子。惟稽古崇德象賢。統承先王。修其禮物。作賓王家。庸建爾于上。公尹茲東夏。○書傳云。天子存二代之後。與已三。所以通天三統。立三正。○左傳。皇武子云。宋先代之後也。於周為客。天子有惠。膳焉。有喪。拜焉。○史記。杞世家云。武王求禹之後。得東樓公。封之於杞。以奉夏后氏之祀。○括地志。汴州雍丘縣。古杞國。○一統志。開封府

詩名物考

卷五十二

三

周

杞縣在府城東百里殷周皆以封夏後為杞國

豐年篇

廩

廩音銑音
即廩字

爾雅云廩廩也。○說文云。向穀所以振入宗廟。粢盛倉黃。向而取之也。○周禮。廩人掌九穀之數。以待國之匪頒。賜稍食。以歲之上下。數邦用。以知足否。以詔穀用。凡會同師役之事。治糧食。大祭祀。共接盛。注云。藏米曰廩。廩人舍人倉人司祿官之長。○公羊傳云。御廩。粢盛之所委。○孟子疏云。倉

匪讀易

強駢丘反

云。伏羲作簫。十六管。○月令章句云。簫長則濁。短則清。以臆密實其底。而增減之。則和。○二禮圖云。雅簫長尺四寸。二十四強。頌簫長尺二寸。十六強。無底者謂之洞簫。

陳三五校

六家詩名物疏卷五十二終

詩名



